

Fraccionnan di PPA y Futuro cu peticion pa un reunion publico riba e sucedido di morto den persecucion



Pagina 2

- **Merca: Hand sanitizer y gel di aloe di Aruba Aloe a ser retira for di mercado**

Pagina 7

- **Dia Internacional di Lenga Materno; Un ocasion pa mustra riba e importancia cu Papiamento tin**

Pagina 4

- **Avion di Delta ta aterisa boca abao na Toronto**

Pagina 24

Volker Türk ta propone pa identifica esnan tras di e gangnan poderoso na Haiti



Pagina 11

AWE NOCHI
ELMAR Atardi di Asistencia
San Nicolas

Luga: ELMAR San Nicolas
Orario: 5:00 PM pa 8:00 PM



Partido PVV
ta opone
mandamento
di trupanen
Hulandes pa
Ucrania

Pagina 9



Lidernan
Europeo kier
participacion
den negociacion
pa caba guerra
na Ucraina

Pagina 23

Fraccionnan di PPA y Futuro cu peticion pa un reunion publico riba e sucedido di morto den persecucion

Ayera, lider di partido PPA, Otmar Oduber mediante un comunicado di prensa a informa cu su fraccion hunto cu fraccion Futuro a dirigi un carta na presidente di Parlamento di Aruba, Gerlien Croes, bogando pa un mocion pa pone fondo disponible pa ekipa Cuerpo Policial cu entre otro, "bodycam" pa su miembronan.



"E peticion ta papia pa su mes y e meta di e reunion ta pa trece tranquilidad y confianza den nos comunidad, siguiendo transparencia y obhetividad den e investigacion andando," Oduber a bisa den e comunicado, "pero tambe haci un maximo esfuerzo pa evita cu algo asina por ripiti su mes."

E carta, fecha 14 di februari ultimo, den su totalidad ta bisa lo siguiente:

"Honorable Presidente, "Pa medio di e carta aki, firmantenan, ta solicita un reunion publico cu urgencia pa asina atende e topico cu tin comunidad asina indigna y preocupa den e caso recien unda un hoben di apenas 19 aña e perde su bida den un confrontacion cu cuerpo policial.

"E obhetividad y confianza den nos ministerio publico ta wordo treci seriamente den duda y no ta contribui na e tranquilidad necesario cu comunidad mester tin den su sistema hudicial imparcial.

"Considerando e impacto enorme cu e caso aki tin riba nos comunidad y preocupacion cu a ser crea cerca tanto famianan di e victima como tambe den nos comunidad, ta haci un peticion pa yama e reunion publico aki cu e meta di trece claridad y tranquilidad bek riba entre otro e siguiente puntonan:

1. Maneho, regla y protocolnan cu ta aplica den caso di un persecucionnan policial.
2. Maneho, regla y protocolnan pa loke ta e derecho di e ciudadano den caso di un persecucion policial.
3. Maneho, regla y protocolnan di respet y garantia na e derechonan basico di cualkier ciudadano pa loke ta e proteccion di nan bida y salud.
4. Maneho, regla y protocol pa cu proteccion di e bida di un miembro di cuerpo policial den nan funcion.
5. Maneho, regla y protocol-

nan pa cu e nazorg" otorga na esnan involvi, particularmente na e famia.

6. Maneho, regla y protocolnan cu ta garantisa e transparencia y obhetividad den investigacionnan relata na casonan asina unda tin victiman fatal.

7. Maneho, regla y protocolnan pa cu proteccion di e integridad di nos sistema hudicial y e derecho riba husticia pa tur ciudadano.

Firmantenan ta di opinion cu durante un reunion publico, tanto gobierno, e minister responsabel, como tambe instancianan concerni manera entre otro Cuerpo Policial y Ministerio Publico mester por responsabilisa nan mes pa cu e maneho cu ta wordo hiba como tambe aclaria e preocupacionnan cu por ta existi cerca famianan y comunidad den su totalidad. Esaki cu e meta di proteha transparencia y responsabilisacion di gobierno su maneho y protocolnan na comunidad."

E carta ta firma pa Gino Goeoloe di Futuro y Oduber di PPA.

Caso

E mocion aki ta den respuesta na e caso cu a resulta den morto di A.C.L. di 19 aña di edad, despues di un persecucion policial dia 9 di februari ultimo.

Tocante e caso, Ministerio Publico (OM) a indica den un comunicado di prensa cu "den oranan di mainta di diadomingo 9 di februari 2025 un tiroteo a tuma lugar, caminda e homber hoben A.C. Lanoy di 19 aña di edad a wordo alcanza pa balanan policial, y a bin na fayece. Esaki a hiba na gran emocion y na hopi tristesa cerca su famia y den comunidad completo. "Den un investigacion penal manera esaki, den cual polisnan ta involvi den incidentenan di violencia cu ta termina cu morto, practica-

mente semper ta tuma lugar un investigacion independiente di Landsrecherche di Aruba. Landsrecherche ta un cuerpo investigativo cu ta neutral y cu ta independiente di Cuerpo Policial di Aruba. Mes ora despues di e incidente fatal Landsrecherche a start un investigacion penal bao guia di fiscal di husticia. E polisnan involvi a wordo scucha como sospechoso.

"E investigacion ta andando awor aki y pa su duracion e polisnan involvi a wordo prohibi entrada den wardanan.

"Ministerio Publico sa y ta consciente cu e tiroteo tin impacto grandi riba comunidad di Aruba. Pa e motibo aki, pa mas leu cu e investigacion ta permiti, Ministerio Publico lo percura pa informa regularmente tocante e investigacion y tocante adelantonan den e investigacion.

Reaccion

E caso aki a causa gran conmocion den comunidad, cu hopi ciudadano criticando e

actuacion di polis cu a resulta den morto di un ciudadano. Entre otro, tabatin manifestacion na Hulanda y Aruba y tambe tin un peticion circulando online, exigiendo husticia den e caso.

E peticion, inicia pa Max Ng, ta bisa:

"A bira ora pa pueblo demanda accion concreto di e gobierno Arubano. Si nos no tuma accion y para pa nos hendenan, ningun otro persona lo haci esaki pa nos.

"Arubianonan merece un sistema di husticia cu nan por confia aden, y esaki ta inclui un cuerpo policial confiable. P'esey nos a bin cu un lista di diferente demanda pa e gobierno Arubano:

1. Pa 1 juli 2025 tur polis den oranan di trabou cu ta riba patruya mester tin un bodycam.
2. Pa 1 augustus 2025 tur auto di polis riba patruya mester tin un dual dashcam.
3. Testnan psicologico mas estricto y cu mester ser renoba cada dos aña.
4. Publica e inicialnan di e

sospechosnan involvi den e tiramento di Ayden Lanoy.

5. Publica e lista di crimen di cual e sospechosnan ta wordo acusa di dje."

Tocante e agentenan di polis involucra den e crimen, OM a indica mediante un comunicado di prensa, como parti di e investigacion, e polisnan involvi den e tiroteo mortal aki a suspendi y a retira nan entrada na e wardanan di polis pa e duracion di e investigacion y ademas a ser scucha den calidad di sospechoso.

Na momento cu prensa a puntra Procurador General Amalin Flanegin si por duna informacion di kico ta e sospecho of acusacionnan contra e dos polisnan aki durante un conferencia di prensa siman pasa, e PG a contesta cu no a yega asina leu ainda y no por duna tipo di informacion ey.

A puntra ademas si por duna e inicialnan di e sospechosnan, cual tampoco e Procurador General a contesta.



KvK tin speransa cu den 2025 por bay back na acceso di registro digital gratis



Aña pasa den luna di maart Camara di Comercio y Industria di Aruba (KvK) a anuncia su decision di limita acceso gratis na informacion di su registro comercial y a pasa over na un sistema di cobranza pa duna informacion digital. E anuncio aki a trece pregunta y hasta malcontento di algun banda. Director di KvK, Martijn Balkestein, ta duna un actualisacion tocante e situacion y e posibilidad cu lo bay back na brinda informacion digital gratis.

E tema di pago pa acceso ta keda uno cu hopi den comunidad ta critica, pero asina mes, ya caba tanto banconan, oficinanan di abogado y hasta departamentonan di Gobierno cu mester di informacion ta haciendo uso di e servicio di abono, cu ta permiti acceso na e registro.

Despues di casi un aña cu KvK a haci e anuncio aki Bon Dia Aruba a tuma contacto cu Sr. Balkestein pa puntra un actualisacion. Segun informacion KvK tambe ta di

opinion cu usuarionan mester por wak e registro online gratis. A puntra Balkestein si ta trahando riba esaki, ki esfuersonan ta realizando pa logra esaki y si tin un fecha cu esaki lo keda cla.

Den su contesta el a splica cu pa ley KvK mester registra tur compania cu ta economicamente activo. El a sigui splica cu KvK mester tambe controla y implementa tur e cambionan relata na negoshi. Ademas e organisacion mester haci esey pa e 1,874 stichting, pa tur vereniging y recientemente tambe pa tur e UBO's.

El a indica cu KvK no ta ser subsidia door di gobierno, "net nada, kiermen nos mester paga tur cos for di e jaarlijkse bijdrag y benta di uittreksels." Balkestein a señala cu e prijsnan pa e jaarlijkse bijdrage y uittreksels no a cambia desde aña 2009, pero inflacion si a subi cu 21% desde aña 2009, locual ta nifica cu nan tin hopi mas gasto, pero no por aumenta nan entrada pasobra minister mester aproba esey y minister no a aproba nada ainda.

El a splica cu nan sistema digital ta algo pa facilita tur hende, y no ta algo cu ta stipula den ley. El a sigui splica cu nan sistema digital ta costa mas o menos 450 mil florin pa aña cu ta inclui aspectonan di almacenamiento, security, mantencion, cambio, entre otro. Sin placa e otro opcion lo ta descontinua e servicio di sistema digital.

Pa no mester recurri na esaki,



Balkestein a indica, nan ta cobra un suma chikito pa wak cierto dato. Esaki tambe ta e caso na KvK Bonaire, Sint Maarten y Hulanda, pero e diferencia ta cu prijs cu KvK Aruba ta cobra ta mas abou, y cierto informacion digital toch ta keda gratis. Ademas inzag na KvK semper ta keda por nada.

"Nos prijsnan ta mas abou anto cu servicio di otro KvK's, y ta importante pa inverti den e sistema digital pa percura cu e datos ta keda safe, bon proteha contra cyber attacks," el a bisa.

Pa loke ta e posibilidad cu lo bay bek na un registro di informacion digital gratis,

Balkestein a splica cu nan tabata den proceso pa negocia cu minister di Asuntonan Economico pa aumenta nan entrada, y asina consecuentemente por habri nan digital database atrobe. Pero gobierno a cay, y negociacion a para pasobra minister a bira demisionario. El a indica cu na momento cu tin un minister di Asuntonan Economico, cu no ta demisionario, e nan lo bay bek na e tema aki.

Den un articulo anteriormente publica den Bon Dia Aruba, tanto director di KvK como presidente di KvK, Diederik Kammerling, a expresa nan deseo pa habri e sistema na forma gratis.

Nan ta indica cu for di 2022 ta tratando pa haya luz berde di Minister Geoffrey Wever pa por hisa e contribucion di negoshinan, algo cu e Minister a keda rechasa regularmente. Riba dje, Camara di Comercio tabata trahando cu un ley bieu cu finalmente a keda adapta, sinembargo sin e areglo financiero nobo.

Tanto Kemmerling y Balkestein ta bisa di ta kere den transparencia y e speransa ta cu por bolbe habri e sistema na forma gratis pa comunidad. Segun ambos, Minister Wever tambe ta pensa mescos y den principio a bay de acuerdo pa cambionan, "pero e ta demisionario. Nos ta kere cu pa 2025 lo por logra y facilita informacion na comunidad," Balkestein a agrega. "Esey ta logico, pero ta importante pa

realisa cu e ta costa."

Segun nan e intencion ta pa aumenta e contribucion di negoshinan cu 20 florin cu tabata den e proposicion di 2019 tempo cu a ahusta e ley.

E proposicion ta pa bin un sistema manera na Hulanda y Boneiro, unda tin un asina yama 'flex rate' basa riba e estructura huridico di un negoshi, pa elimina e discusion riba capital cu a hinca den e empresa.

Esaki ta nifica tambe cu e nivel di contribucion lo ta basa riba e cantidad di ora di servicio cu trahadonan di Camara di Comercio ta dedica na establecimiento di empresanan individual. "E prijs mester refleha e cantidad di trabou di Camara di Comercio," Balkestein ta kere.

E ley cu ta dirigi Camara di Comercio ta papia cu e instituto mester percura cu su clientenan por haya acceso na informacion y no cu mester duna acceso digital.

Segun e 'Landsverordening op de Kamer van Koophandel en Nijverheid' (AB 1990 no. GT29), KvK por cobra sumanan adicional pa e servicionan extra cu KvK ta brinda, e.o. por cobra un suma pa consulta e Registro Comercial online, y un suma adicional riba e tarifa di 15 florin stipula den ley pa e traduccion di e uittreksels.



Dia Internacional di Lenga Materno; Un ocasion pa mustra riba e importancia cu Papiamentu tin

E siman aki, dia 21 di februari, ta celebra un biaha mas Dia Internacional di Lenga Materno y e aña aki ta marca e di 25 aniversario di e celebracion aki. Esaki ta un oportunidad pa mostra riba e importancia di e idioma nacional, Papiamentu.

E fecha aki a ser proclama pa e Conferencia General di Organisacionnan Educacional, Cientifico y Cultural di Nacionnan Uni (UNESCO) na November 1999 cu e fin di promove diversidad linguistico y enseñansa multilingual y pa enfatisa un conscientisacion mas profundo di e importancia di enseñansa den lenga materno.

Sociedadnan multilingual y multicultural ta existi pa medio di nan lenganan, cualnan ta transmiti y preserva conocimiento y cultura tradicional di manera sostenibel. Pero, diversidad linguistico cada bes ta mas menasa.

Cada dos siman, como promedio, un lenga ta desaparece, hibando cune henter un patrimonio cultural y intelectual. Segun Nacionnan Uni 40% di poblacion mundial no tin acceso na enseñansa den nan lenga nativo (den e cifra aki poblacion general di Aruba ta inclui). No obstante, danki na comprendemento di e importancia di lenga materno, a alcanza logronan den materia di enseñansa multilingual.

Awendia tin un aumento di conscientisacion cu idioma nan ta hunga un papel importante den desaroyo, pa sigura diversidad cultural y dialogo intercultural, pero tambe pa reforsa cooperacion y logra un educacion di calidad pa tur hende, pa construccion di sociedadnan di conocimiento inclusivo y preservacion di herencia cultural, y pa mobilisa boluntad politico pa aplica e beneficienan di ciencia y tecnologia na desaroyo sostenibel.

Sociedadnan multilingual y multicultural ta prospera pa medio di preservacion di nan idiomaan, cu ta sirbi manera e caminda pa conocimiento tradicional y herencia cultural. Sinembargo, diversidad di idioma ta enfrente menasanan cada biah mas grandi mientras cu mas idiomaan ta desaparece.



Investigacion ta subraya e beneficiaran di usa idioma natiu di e studiantenan den educacion estimulando miho resultadonan di enseñanza, autoestima y habilidadnan di pensamento critico.

Nacionnan Uni ta señalá e importancia di educacion den idioma Materno di e estudiante y e introduccion gradual di otro idiomaan, pa asina ta kita bareranan entre cas y scol, facilitando enseñanza efectivo. Educacion multilingual no solamente ta promove sociedadnan inclusivo, pero tambe ta yuda cu e preservacion di idiomaan no-dominante, minoritario y indigena.

Idioma y multilingualismo por promove inclusion, y enfoque di Sustainable Development Goals (SDG's) ta pa no laga niun hende atras. Unesco ta stimula y promove

enseñansa multilingual basa
riba idioma materno. Esaki
ta un tipo di enseñansa cu
ta cuminsa den e idioma cu
e alumno ta domina miho y
despues gradualmente ta in-
troduci otro idiomanan. E
acercamento aki ta haci cu e
alumno por cera e buraco cu
tin entre cas y scol, si su idi-
oma materno ta diferente for
di esun uza na scol como idi-
oma di instruccion. E alum-
no lo descubri e ambiente di
scol na un idioma familiar y
lo siña miho asina.

P'esey cu Unesco ta haci un yamada na e paisnan pa aplica un politica di enseñansa multilingual, e base di datonan mundial tocante Desigualdad den Enseñansa ta mustra cu mundialmente e muchanan cu ta siña nan lenga materno na cas tin mas di 30% di probabilidad di lesa y comprende di loke nan ta lesando na final di enseñansa primario compara cu esnan cu no ta

usa nan lenga materno como idioma di instruccion.

Manera ta conoci na comien-
so di e aña escolar 2024-2025
alumnonan di klas 1 di scol
basico a cuminsa siña lesa y
skirbi na Papiamentu. A tuma
e decision di acuerdo cu e
consehonan di e rapportnan
di expertonan cu ta domina e
materia.

E maneho di idioma aki ta basa riba recomendacion 2 di e rapport Doorlichting van het Arubaanse Onderwijstelsel: eligi un maneho di idioma concreto y consecuente.

Dia Internacional di Lengua Materno ta un ocasion pa mostra riba e importancia cu e idioma nacional, Papiamentu, tin. E ta un elemento hopi importante cu ta uni un pueblo y den e caso di Aruba e ta extende te pafo di e frontera, ya cu Aruba ta comparti esaki cu e pueblonan Corsou y Boneiro. Ademas di esaki den exterior tambe un grupo considerable, principalmente na Hulanda, ta comparti cu e conocimiento di e idioma Papiamentu.

Den e transcurso di añanan Papiamentu a registra logronan importante pa consolida Aruba su idioma Materno, manera e oficialisacion di Papiamentu banda di Hulandes.

A pesar di logronan asina importante, no por tapa wowo y ignora e temor cu poco poco futuro generacionnan ta bay ignora e importancia di e idioma materno di Aruba. Tecnologia, television, musica, entre otro, tin un influencia riba e generacion cu ta bin na unda hopi biaha e mucha- y

hobennan no ta comunica den e idioma materno, pero ta scoge pa usa e idioma popular Ingles.

Na esaki mester agrega cu Aruba ta un isla cu turismo como pilar economico, locual ta hiba tambe cu Ingles ta un idioma importante.

Ta primordial pa enfoca ariba
e futuro di e lenga materno
di mayoria y loke ta desea di
logra den e añanan binidero.

Cu esaki den mente y como motivacion UNESCO Aruba, UNOCA y Biblioteca Nacional Aruba a uni forza pa celebra Dia Internacional di Lenga Materno 2025 na Aruba. Pa e ocasion special aki a organisa dos anochi di charla den Biblioteca Nacional Aruba, diabierna 21 y diaranson 26 di februari 2025 cuminsando pa 5:30 di atardi.

Den e charla titula “Evolucion y Emancipacion di Papiamento – Di lenga di catibo pa lenga di universidad” Ramon Todd Dandaré Mag. Ling. lo presenta un enfoque historico di Aruba su lenga materno, den cual lo presenta informacion tocante, entre otro, e siguiente puntonan: origen y evolucion di Papiamento den un constelacion colonial; lenga general di e islanan ABC; rol di e diferente grupo social; trastorno y obstaculonan cu mester a vence; lucha pa reconocimiento di su propio papiadonan, specificamente den enseñansa y den comunidad en general; y emancipacion di e lenga den tur sorto di expresion: cultural, linguistico, literario, intelectual, artistico, politico y mas.



Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart

Redaccion

noticia@bondia.com

Pilar Flores (hefe di redaccion)
Angenette Figuereo (closer editor)
Leo Maduro
Raisa Montilla
Oriana Geerman

Ehecutivo di Benta

Sulaika Croes
sulaika.croes@cspnv.com
Mark Gomes
mark.gomes@cspnv.com

Aviso y Arte

Sandra Loefstop
Lisa Tromp

Departamento Digital

Juan Luis Pinto

Administracion
accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirksz

Colaboracion

Associated Press
Ret Karibense
Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800
Email: noticia@bondia.com
aviso@bondia.com
info@bondia.com
Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant
redacta y imprimi na Aruba y ta
obenibel di dialuna te cu diasabra.
Ningun contenido por wordo reproduci
sin permiso di editor.



Editorial

Parlamento tin obligacion... Di supervision financiero...

Nos ta pendiente atrobe di loke ta bay pasa cu e ley a base di cual lo supervisa nos asun-tonan financiero. Esaki mester bay den un ley di Reino, cu mester keda cla pronto. Mientras tur atencion ta bay na loke ta acor-da cu Hulanda pa e supervision, no mester perde di vista cu aki, parlamento mes ta keda esun cu mester supervisa gobierno, y den forma mas detaya, cu e supervision di Reino. Con e trabao local ta andando?

Aruba ta sigui sin gobierno nobo, mientras e probable coalicion ta tuma su tempo pa papia cu tur 'stakeholder', un grupo di partido interesa di diferente sector, cu semper ta haya atencion ora ta conveni so. Mientras tanto no tin presupuesto y parlamento no por/kier eherce su trabao super-visor. Na e momento aki e 'consulta popular' aki ta parce mas bien un enorme proyecto di 'gana tempo', mientras e otro rival, doño di gobierno demisionario, ta ganando tempo den negociacion aparentemente interminable cu gobierno Hu-landes, algo un poco dificil di comprende. Si nos ta interpreta e 'briefing' duna recientemente na parlamento bon, ta solamente algun punto a keda riba mesa. Esey lo implica cu e demaspuntonan di e ley a keda acepta? Si esey ta asina, nos por drumi tranquil pasobra lo a acepta e puntonan basico y clave di e supervision. Y si esey ta asina, nos no ta comprende kico ta e problema pa yega na un acuerdo. Si nos no ta hera, e parti central di e supervision practicamente lo keda sin cambio, pa un motibo masha obvio. Esey ta cu den Reino Hulandes semper ta trata di mantene legislacion mas similar posible. Esaki cu e pensamiento cu no ta bon cu dentro di e mesun sistema legal tin legislacion cu ta varia bastante pa loke ta un me-sun materia, creando asina un base diferente den diferente parti di e Reino, loke por trece cuestio-namento di trato igual di e ciudadano Hulandes. Ademá, mas diferencia den legislacion ta duna mas trabao na e cortenan, si tin diferencia gran-di den interpretacion di caso. Na Hulandes ta yama esaki e 'concordantiebeginsel', e principio di mantene legislacion mas concordante posible. Asina mes por tin diferencia bastante grandi, cu entre otro ta surgi di e diferencia grandi di reali-dad entre un pais Europeo y un isla den Caribe, cu solamente un fraccion di e poblacion di mi-yones cu e teritorio na Europa tin. Ademá ta bin acerca e legislacion Europeo cu e pais na Europa mester introduci, di cual lo mester pensa seria-mente si lo ta consehabla pa introduci esaki na e islanan.

Den e caso concreto di e ley di supervision di Aruba, tambe ta trata di tene legislacion mas con-cordante posible. No ta nada straño anto cu e ley

di supervision di e otro dos islanan, Corsou y Sint Maarten, a sirbi como modelo y sigur pa loke ta e proceso di presupuesto ta practicamente iden-tico. Ora politico local ta keha cu Aruba a entrega su autonomia, ta importante pa analiza cu cabez friu kico ta e papel cu gobierno y parlamento di Aruba ta hunga den e proceso presupuestario. A base di e normanan general estbleci, ta gobierno di Aruba cu ta elabora nan presupuesto, esaki ta bay despues pa parlamento, cu e consejo di Raad van Advies, segun Constitucion. Parlamento di Aruba ta aproba e presupuesto y gobierno di Aruba por bay ehecuta nan presupuesto y usa e recursonan financiero pa cual nan ta destina.

Pero, unda e supervision ta bin aden anto? Mescos den caso di e otro islanan, e presupuesto ta haya un evaluacion promer cu e proyecto di ley bay pa e proceso local. Esaki por resulta den consejo y recomendacion. E organo consultivo CAft, den caso di peso cu ta considera inevitable, por con-seha Consejo di Ministro di Reino pa duna un instruccion pa haci cambio den e presupuesto. E instruccion no necesariamente ta tuma lugar pa-sobra por yega na un acuerdo sin cu mester recurri na e medida di instruccion. Despues di e apro-bacion den parlamento, di Aruba, ta sigui otro proceso di evaluacion pa e colegio consehero, cu por conduci na e mesun proceso di instruccion pa haci cambio.

Awor, claro lo por tin comentario, pakico esaki ta asina? Wel, masha simple, pasobra nos ta bao supervision di Reino... Esey ta implica cu e parti di iniciativa di planifica y elabora e presupuesto, semper ta keda den man di esun cu ta gobierna. Ni CAft ni gobierno di Reino ta bay investiga si bo a percura pa bo tin suficiente ingeniero di nivel na DOW, o personal adecua na DTI, esey ta gobierno local lo mester sa. Tin un sinfin di deci-sion di maneho pa tuma, unda esun cu ta gobierna ta liber pa dicidi kico pa haci y con pa usa placa disponible. E supervision ta mas na nivel general pa vigila sie cifranan general, di entrada y gasto, no ta di tal indole cu esaki ta trece bo situacion financiero na peligro. Esun cu si mester preocupa pa e detayenan ta parlamento di Aruba, unda tur ta keha regularmente tocante nan 'budgetrecht' cu Hulanda lo ta viola o limita, mientras nan mes no ta percura pa haci nan trabao. Parlamento por trata presupuesto awor, haciendo e cambionan necesario via amienda, ignorando loke e min-istronan demisionario tin di bisa. Sin embargo, e proximo gobierno lo no kier muestra nan car-tanan ainda y lo warda te despues di formacion pa atende e asunto aki. Cu no tin presupuesto aproba na tempo no ta un preocupacion pa nos politiconan, solamente pa CAft...

Advertorial

Diamars awo abo por ta e siguiente miyonario di Aruba

Diabierna anochi e resultado di Mini Mega a ser conoci unda cu e numbernan cu a sali tabata 06-13-24-26 y Mega Ball 08. A pesar cu no tabata tin ganador pa e prome premio, si a conoce 6 ganado cu a casi bay cu e premio grandi! E hungadonan aki a gana e segundo premio door cu tabata tin e 4 numbernan bon, y tabata falta solamente e Mega Ball. Ticketnan ganado a wordo bendi na Big Ten 5, Suerte Bini Bini, Driemaster Lottery, Get Rich Yu Xia, M&F Valero Essoville y Kas Ariba Lottery.

Pa awe 18 di februari Mini

Mega su jackpot a bira 1 miyon 850 mil florin y cu 2 florin mas, bo por gana e jackpot di 1 miyon florin extra cu ta pone e suma bira un total di 2 miyon 850 mil florin!

Pa segura bo Mega Ball, bo por cumpra bo numbernan di suerte of un loco y pidi pa e combo di All Mega Ball cu lo costa 75 florin y cu Mega Plus, e ticket lo costa 105 florin. Scoge bo numbernan di 01 te cu 30 y pidi bo rebendado preferi pa bo combo di All Mega Ball pa asina bo tin tur e Mega Ballnan den wega!

Cumpra bo ticket trempa pa bo tambe den wega pa gana e gran total di 2 miyon 850 mil

florin!

Lotto, E Loteria di Aruba tin diferente wega, Catochi, Big 4, 1-OFF, Zodiac, Wega di Number di Korsou di Lotto, Lucky 3, Multi-X, Lotto di Dia, Lotto 5, Mini Mega y cu su Mega Plus y e diferente weganen di Raspa y Gana y Instacash. Tambe lo por hunga Lotto Online door di bishita: play.lottoaruba.com pa por registra. Cumprando Lotto bo ta contribui na deporte riba nos isla. E meta ta pa organisa loteria, cambia bida di su hungadonan y na mes momento inverti den deporte local pa medio di donacionnan na e comision di subsidio.



Dos lider di Bureau Traimerdia a bay Boneiro pa haya un training di TeamUp

Bureau Traimerdia (BTM) tin e privilegio di traha hunto cu e organizacion Internacional UNICEF NL & Save the Children NL y participa den e programa di TeamUp. Den e ocasion importante aki, dos lider di BTM lo forma parti di e training intensivo cu lo inicia 17 februari te cu 21 di februari 2025 na Boneiro.

Durante e training aki, nan lo siña tecnicanan y amplia nan conocemento pa implementa

e actividadnan di movecion (weganan) cu ta forma parti di e programa di BTM.

E programa TeamUp ta yuda muchanan den nan desaroyo social-emocional via metodo di interaccion y movimiento, cu ta fundamental pa nan bienestar y ta cuadra cu e vision y meta di BTM. Ta bay transferi e conocemento adkeri na e otro lidernan di BTM den forma di "train de trainer", pa asina tur lider haya e conocimiento y "tools" pa sigui ofrece un servicio di calidad na

nos muchanan.

BTM ta e unico "Naschoolse Opvang" di Gobierno cu ta brinda cuida y guia na muchanan di 4 te cu 12 aña cu ta asisti na scol basico y muchanan special despues di ora di scol. Alabes, e ta e unico "Naschoolse opvang" cu ta brinda un tarifa social pa asina yuda famianan cu menos recurso y segura cu tur mucha por disfruta di un ambiente safe y educativo.

BTM ta desea exito na e dos



lidernan, Ruthsella Imperator y Leonardo Phillips, cu lo forma parti di e training di TeamUp den colaboracion cu un stakeholder importante

cu ta UNICEF NL. Sigur cu nan conocimiento y dedicacion lo sigui contribui na un miho futuro pa nos muchanan di Traimerdia.

Estudio riba uso di plastic den comunidad

Recientemente, minister medisionario di Naturala, Ursell Arends (Raiz) a comparti riba su pagina di Facebook un link pa un encuesta riba e uso di plastic den comunidad, conoci como "Protocol di Evaluacion di Circularidad" (Circular Assessment Protocol, CAP).


"E Protocol di Evaluacion di Circularidad (Circular Assessment Protocol of CAP) ta duna un impresion di e circularidad di un isla y ta provee data pa por tuma decisionnan

informa pa reduci sushi di caya (di por ehempel, plastic di un solo uso) den medio ambiente y pa por aumenta e circularidad di material den maneho di desperdicio," Arends a comenta.

"Como parti di e CAP, e encuesta ta pa por compronde e comportacion di consumidornan miho, cu lo yuda haci decisionnan informa, basa riba data," e mandatario a agrega.

Segun e mandatario, e encuesta ta cubri preguntanan manera "con bo ta sinti como consumidor tocante opcionnan manera compost of sistema di entrega pa por ehempel boter di glas?"

E estudio di Circularity Assessment Protocol ta traha door di University of Geor-



gia y Impact Blue cu ta wordo realiza na Aruba. Segun Arends, e estudio aki ta sirbi como un punto di salida pa informa decisionnan riba infraestructura y di maneho di

desperdicio.

Por yena e encuesta via e link: <https://www.circularityinformatics.org/>.



ANUNCIO/BLBA/015/25

Mediador di Gobierno na Aruba ta anuncia cu a base di articulo 1 inciso 2 di "Arbeidsvredebesluit 111" cu e siguiente peticion a ser ricibi pa tene un Referendum bao di e empleadonan di e empresa menciona aki bao.

Number **peticionario:** **Union Electricista Arubano (U.E.A.)**

Number **EMPRESA:** **ELMAR N.V.**

Atencion ta wordo poni ariba posibilidad pa sindicatonan interesa pa dentro di **14 dia** despues di e fecha di e anuncio aki, trece nan deseo pa participa na dicho Referendum na conocimiento di Mediador.

Oranjestad, 17 di februari 2025

Mediador di Gobierno
Anselmo Pontilius

Hand sanitizer y gel di aloe di Aruba Aloe a ser retira for di mercado pa via di advertencianan cu e por causa coma of ceguera

(MSN)—Varios unidad di hand sanitizer y gel di aloe a ser retira for di mercado pa via cu nan ta contene metanol, cual pone consumidornan den riesgo pa problemanan di salud serio, segun oficialnan di salud federal.

E retiro ta afecta 40 unidad di Aruba Aloe Hand Sanitizer Gel Alcohol 80% y Aruba Aloe Alcoholada Gel, cual ta contene “alcohol denaturalisa cu metanol,” segun un aviso publica pa e Food and Drug Administration (FDA). E FDA a adverti den e retiro recien cu “exposicion

substancial di metanol” por causa nausea, sacramento, dolor di cabes, problema cu bista, coma, convulsion, ceguera permanente, como tambe daño permanente na e sistema di nervio central, of morto.

Clientenan ta hayando aviso pa stop di usa e productonan y pa descarta di nan. E hand sanitizer gel afecta di Aruba Aloe Balm N.V. ta empaketa den boternan di plastic berde scur di 12 fl oz y tin labelnan blanco cu ta bisa “ARUBA ALOE Hand Sanitizer GEL 80% Alcohol Made in Aruba World’s Finest Aloe.”



E gel di Alcoholada, cual ta ser usa pa alivio temporal di dolor y grawatamento asocia cu kimanan chikito, pica di insecto of otro iritacion chikito, ta empaketa den dos tamaño: boternan di plastic di 2.2 fl oz y 8.5 fl oz. E boternan ta transparente cu labelnan cu ta bisa “Alcoholada Gel Pain Relieving Gel 0.5% Lidocaine Hydrochloride.” Durante e pandemia, FDA

a crea un lista di mas di 600 hand sanitizer posiblemente peligroso despues di descubri un aumento den e cantidad di sanitizer cu a ser fabrica cu metanol en bes di e alcohol aproba di etyl. Metanol ta ser usa frecuentemente den contexto industrial, pero e no ta safe pa usa riba cuero. Esaki ta peligroso tambe si hende ingeri esaki.

“Aunke tur persona usando e productonan aki riba nan man ta den riesgo, muchanan jong cu ta ingeri e productonan aki accidentalmente y adolescente- y adultonan cu ta bebe e productonan aki como un substituto pa alcohol (etanol) tin mas riesgo di haya envenenamento di metanol,” e aviso a bisa.

Aruba Aloe Balm N.V. no a haya ningun reportahe di eventonan negativo relaciona cu e productonan aki, segun e aviso. e productonan afecta a ser distribui entre 1 di mei 2021 y 7 di october 2023 y a ser bendi na Merca via e website di Aruba Aloe Balm N.V. E compania a notifica clientenan cu a ser afecta pa e retiro y a ofrece un coupon di descuento pa nan proximo compra.

Mas hende mester transplante di higra mirando cu obesidad ta aumenta

(NLTimes)—E cantidad di transplante di higra debi na complicacionnan relaciona cu obesidad a tripel den e ultimo shete aña, segun cifranan for di Erasmus MC, e centro di transplante di higra mas grandi na Hulanda.

Na 2017, solamente un par pashent tabatin mester di transplante di higra tur aña debi na daño n’e organo relacion cu obesidad. Pa 2024, e cantidad aki a aumenta pa 50. E aumento ta subraya e impacto creciente di obesidad riba salud di higra, exper-tonan ta bisa.

“Hende sa asocia obesidad cu atake di curason y diabetes,” segun Dr. Harry Janssen di Erasmus MC. “Pero acumulacion di grasa por eventualmente resulta den e necesidad di un transplante.”

Transplantenan di higra ta ser considera como e ultimo opcion, y no tur pashent ta eligible debi na e listanan di espera largo pa higranan dona, segun Mariël Croon, director di e MDL Fonds, un fundacion enfoca riba salud digestivo.

“Un transplante di higra ta un procedura drastico pa e pashent y no semper ta posible,” Croon a bisa. “E lista di espera pa un higra dona ta largo, cual ta haci prevencion aun mas critico.” Aproximadamente 4 miyon hende na



Hulanda tin un grado di acumulacion di grasa riba nan higra, frecuentemente sin realisa, segun e fundacion. Den aproximadamente 4% di e poblacion—aproximadamente 700,000 hende—e condicion aki ta progresa pa un inflamacion activo di higra conoci como steatohepatitis no-alcoholico (NASH).

NASH ta aumenta e riesgo di cirrosis di higra, cual ta un forma severo y irreversible di daño n’e higra, como tambe cancer di higra. Consumo di alcohol ta acelera e riesgo aki, manera expertonan ta adverti.

A pesar di e aumento alarmante den caso, Croon a enfatisa cu intervencion trempan por haci un diferencia. “Esaki ta bon noticia,” el a bisa. “E higra tin un habilidad remarcable pa sana su mes, pero solamente si tuma accion na tempo. E ta un organo increible, y hende mester cuida di nan.”



**ATARDI DI ASISTENCIA PA
PAGA CORIENTE VIA PAY.AW**

Asistencia personal pa cliente

Fecha: Diamars, 18 di februari, 2025
Orario: 5pm - 8pm
Luga: ELMAR San Nicolas

**Team ELMAR y Team SETAR
lo ta presente pa duna asistencia!**



AWE!



Corsou tin falta di un licencia OFAC activo den medio di sancion di Merca contra Venezuela

(CuraçaoChronicle) - Corsou actualmente no tin un licencia di OFAC activo for di Merca segun fuentenan dentro di e compania 2Bays/Refineria di Korsou (RdK).

Office of Foreign Assets Control (OFAC), parti di U.S Department of the Treasury, ta duna licencia cu ta permiti transaccionnan cu di otro manera ta restringi bao leyman di sancion di Merca.

Pa Corsou, obtene un licencia di OFAC ta esencial a causa di e sancionnan cu Washington a impone contra Venezuela y su compania Petroleos de Venezuela, S.A. (PdVSA). E restriccionnan aki ta impacta varios mercado y acuerdo di energia entre e dos paisnan.

Un licencia general (GL 44A) anteriormente tabata permiti un mercado mas amplio pero a keda retira pa OFAC den mita di 2023. Despues di esaki, 2Bays - e tempo aki ainda operando bao e nomber di RdK - a segura un licencia



specifico den november di 2023 pa facilita e acuerdo di areglo cu PdVSA, firma dia 19 di december den 2023.

Desde dia 1 di januari, 2025, 2Bays a aplica pa un amienda na su licencia specifico existente. E compania estatal di Corsou ta actualmente wardando un respuesta di OFAC pa cu e peticion aki.

E importancia di e licencia OFAC pa Corsou a keda enfatisa durante un reunion diplomatico den december di 2024. Prome Minister Gilmar Pisas (MFK) a papia tocante esaki cu Carmen Gonsalves, e embahador Hulandes nobo pa Venezuela. Nan combersacion a cubri topiconan clave manera e relacion di mercado cu Venezuela, e sancionnan Mericano y e necesidad pa un

licencia di OFAC renoba.

Adicionalmente, e licencia ta crucial pa Global Oil, e compania cu tin e meta di produci y exporta asfalt for di Corsou. Cu un licencia di OFAC, Global Oil por legalmente obtene petroleo crudo y gas di propaan for di Venezuela - ambos esencial pa su produccion. Un documento di politica for di e Ministerio

di Finanzas publica fin di aña pasa a declara cu e compania ta usa gas di propaan pa generacion di utilidad, cual ta reduci di manera significante e impacto ambiental. Sinembargo, fuentenan dentro di 2Bays ta confirma cu Global Oil tin su propio licencianan pa e transaccionnan aki.

Den ananan anterior, 2Bays/RdK tabatin un licencia OFAC cu a permiti transaccionnan cu entidadnan Mericano pa mercado di produccion di petroleo di PdVSA y yega areglo den PdVSA su debenan pendiente cu RdK. E entidad Curasoleño ta reporta e transaccionnan aki na Washington mensualmente, garantizando cumplimiento cu e regulacionnan Mericano.

E renobacion di e licencia aki ta keda un factor clave den mantene Corsou su partnership di energia y mercado, particularmente mientras cu dialogo tocante alivio di sancion y lasonan economico cu Venezuela ta sigui.

Gobierno Hulandes ta kita prioridad di refugiadonan pa vivienda social

(NLTimes) - Minister di Vivienda **Mona Keijzer (BBB)** ta cla pa entrega su proposicion cu lo prohibi municipionan di duna refugiadonan prioridad pa vivienda social, segun fuentenan cercano a conta Telegraaf.

Keijzer a bisa cu e kier duna tur hende un oportunidad igual pa vivienda social. E proposicion ta hopi probabel di tin consecuencia fuerte pa e centronan di asilo cu ya caba ta abruma na Hulanda.

E municipionan actualmente por duna prioridad den lista di espera na refugiadonan pa vivienda social. E prioridad aki tin e meta di alivia presion riba Central Agency for the Reception of Asylum Seekers (COA), cual tin mas solicitante di asilo cu cama disponibel pa varios aña caba.

Parti di e problema ta e escasez di vivienda na Hulanda. Refugiadonan - solicitantenan di asilo kende su solicitacion a keda aproba y a ricibi nan permiso di residencia - ta pega den e centronan di asilo pa motibo cu no tin otro caminda pa nan bay, nificando cu no por usa nan cama pa solicitantenan di asilo nobo.

E lista di espera pa vivienda social na Hulanda ta hopi largo. En averahe, esunnan cu ta busca cas cu ta cuali-

fica ta warda te hasta 7 aña pa un cas segun resultado di investigacion haci na 2023 y den ciudadnan, e periodo di espera por ta mas largo ainda. Segun PVV, VVD, NSC y BBB su coalicion, duna prioridad na e refugiadonan ta contribui na e tempo largo cu ta warda den lista di espera. Pa e motibo aki, Keijzer su proposicion lo prohibi e practica aki.

E municipionan lo keda responsabel pa duna vivienda na e refugiadonan. Aunke, segun Telegraaf su fuentenan, Keijzer tambe ta trahando riba un proposicion cu lo kita e responsabilidad aki. E refugiadonan ainda por aplica pa vivienda social, sinembargo nan lo ta den e lista di espera cu tur hende.

Association of Dutch Municipalities (VNG) ta preocupa cu e decision aki. "Pa medio di kita e prioridad, e fluho pa vivienda despues di esaki ta bira practicamente imposibel. Esaki ta stroba e fluho, cual ta nifica caos den e cadena di asilo," VNG a adverti den un carta na gabinete luna pasa.

Aedes, e organizacion cu ta acapara corporacionnan di vivienda, tambe ta critico. Den un carta cu a manda parlamento siman pasa, Aedes ta adverti cu no duna refugiado acceso rapido na un cas lo stroba nan naturalisacion y integracion. Nan lo enkontra



problema pa construi nan bida, cual ta nifica cu nan no lo por contribui na sociedad.

Mientras cu Keijzer ta tumando medidanan cu lo stroba e salida di solicitantenan di asilo for di e centronan, su colega, Minister di Asilo Marjolein Faber, ta purbando di atrae municipalidadnan pa ricibi mas refugiado.

Diabierna, el a bisa cu e ta prepara pa

paga 30,000 euro si nan acepta un refugiado cu actualmente ta wardando pa un cas na shelter di COA. Tambe e ta pushando pa e municipionan crea "localidadnan di transicion" unda e refugiadonan por cuminsa cu nan bida na Hulanda mientras nan ta warda pa un vivienda mas permanente. E lo paga 60 euro pa dia pa persona den un localidad asina.

PVV ta opone mandamento di trupanen Hulandes pa Ucrania

(NLTimes) - PVV ta opone mandamento di personal militar Hulandes pa Ucrania, lider di partido Geert Wilders a anuncia riba X. El a argumenta cu Hulanda ta involvi caba den "hopi mision" y mes- ter enfoca riba proteha su propio teritorio.

E posicion di Wilders ta pon'e den desacuerdo cu e gabinete. Prome minister Dick Schoof recientemente a declara den un conferencia di seguridad na Munich cu Hulanda ta habri pa participa den un mision di mantencion di pas pa proteha Ucrania despues

di un acuerdo potencial cu Rusia. Sinembargo, Schoof a enfatisa cu envolvimento di Hulanda ta depende di dos condicion: e mision mester tin un mandato cla, y e mes- ter tin respaldo di Merca. "Si e situacion escala, nos mester por depende riba e Merican- onan contra Rusia," Schoof a bisa.

E debate tocante envolvim- ento militar Hulandes ta bin memey di cambio di dinami- ca geopolitico. E administra- cion nobo di Merca a anun- cia plannan pa negocia pas na Ucrania directamente cu Ru- sia, inicialmente excluyendo

nacionnan Europeo y Uca- nia for di e discusionnan.

Negociadornan Mericano y Ruso a yega Saudi Arabia pa combersacionnan, y presi- dente di Ucrania Volodymyr Zelensky tambe ta bay ey- nan. Mientras tanto, lidernan di UE ta reuni na Paris pa combersacionnan di emer- gencia, cu e meta pa sigura un rol den cualquier negociacion.

Wilders tambe a pidi pa hombernan Ucrani- ano cu ta biba na Hulanda regresa nan pais natal pa contribui na e esfuerzo di guerra. "Ainda tin decenas di miles di homber Ucrani- ano na Hulanda— laga nan bay bek y yuda nan mesun pais, incluso militar- mente," el a publica.

E lider di PVV a opone mas aleu pa aloca fondonan adi-



cional pa Ucrania den e prox- imo discusionnan di pre- supuesto di primavera. E ta insisti cu recursonan finan- ciero mester ser usa en bes di pa esey, pa baha cuenta di gas, reduci huur, y corta IVA riba comestibel. Pa compensa e gastonan aki, Wilders a pro- pone pa reduci gastonan riba ayudo pa desaroyo, iniciati- vanan di clima, y implementa un impuesto riba banconan.

Apesar di oposicion di PVV,

Hulanda ta keda un con- tribuyente principal na Ucrania, despues di a com- promete 17 biyon euro na ayudo, mayoria den sosten militar. Un mayoria grandi di Tweede Kamer ta sigui sos- tene e politica aki. Mientras cu Wilders historicamente a opone asistencia na Uca- nia, el a cambia su posicion durante e combersacionnan di formacion di gobierno pa facilita e establecimiento di e gabinete actual.

Universidadnan Hulandes ta cuminsa kita trahadonan for di trabou segun cu e recortenan di presupuesto di gobierno ta cuminsa



(NLTimes) - Varios uni- versidad Hulandes a cum- insa implementa despido. Gobierno a corta nan pre- supuestonan significante- mente, y un proyecto di ley pa reduci e cantidad di studiantenan internacio- nal tambe lo reduci nan financiamiento. Riba dje, e universidadnan ta con- frontando gastonan mas halto pa keintamento di edificio- y salarionan, en- tre otro, NOS ta informa.

Universidad di Twente tin cu kita mas cu 40 empleado for di trabou. University College Roosevelt na Middelburg ta despedi di 20 persona, un cuarta parti di su emplead- onan. Vrije Universiteit Am- sterdam tambe tin cu corta personal, pero ainda no por a duna e medio cifranan mas firme cu probablemente de- cenas di empleado.

Na mayoria di otro universi- dadnan, no ta cla ainda si em- pleadonan lo enfrenta retiro. E universidadnan Hulandes ya a tuma otro medidanan pa baha gastonan, incluyen- do eliminacion di cursonan. Dispidido ta e paso final.

Dos luna pasa, gobierno y parlamento a bay di acuerdo pa corta mas di mey biyon euro for di e presupuesto pa enseñansa superior y cien- cia. Universidadnan tambe ta haya financiamiento di go- bierno pa estudiante, pues e proyecto di lei pa reduci e cantidad di studiantenan in- ternacional tambe lo tin im- pacto riba nan fluho di placa, particularmente pa universi- dadnan na frontera.

"Pa e universidadnan ey, kita empleadonan for di trabou ta e medida mas doloroso," Caspar van den Berg, presi- dente di e organizacion Uni- versidadnan di Hulanda, a bisa NOS. "Mientras cu es- akinan ta e regionnan unda hobennan ta saliendo caba y facilidadnan ta bao di pre- sion. Esey ta haci e hopi ama- rgo."

E recorte di presupuesto di gobierno tambe ta afectando Universidadnan di Ciencia Aplica y enseñansa profes- ional. E impacto riba e insti- tutionan aki ta menos cu riba e universidadnan pasobra nan tin menos estudiante in- ternacional.

MINI MEGA MEGA PLUS

Cumpra bo Mini Mega y cu **Afl. 2,-** mas, bo por gana e jackpot di

AFL 2.850.000,-

Con? **Afl 5** + **Extra!**

Afl. 1.850.000,- **Afl. 1.000.000,-**

www.lottoaruba.com

Pa mas informacion yama 525-7555 of bishita nos website lottoaruba.com

Argentina: Hues ta investiga caso di fraude contra Milei pa promocion di criptomonedas

(AP) — Un hues na Argentina a keda selecta dialuna pa investiga acusacion di fraude contra presidente Javier Milei pa su promocion breve di criptomonedas, cual su balor a collapse dentro di algun ora di su lansamento siman pasa.

Milei y su oficina a bisa cu nan no tabata involucra cu creador nan di e criptomonedas \$LIBRA, bisando cu inicialmente el a hala atencion na dje diabierna como un proyecto empresarial cu por beneficia Argentina, pero a haya sa mas despues, y a retira su sosten.

Abogadonan na Argentina a entrega keho di fraude contra e presidente Libertario diadomingo. E caso a keda asigna dialuna na hues Maria Servini, cabesante di e Corte Federal No. 1 na Buenos Aires. E no tin un fecha limite pa completa investigacion di



e acusacionnan.

Den un tweet diabierna nochi cu a coincide cu lansamento di e criptomonedas \$LIBRA, Milei a bisa cu e tabatin intencion di “curasha crecimiento economico door di financia negoshi chikito y startups.”

E moneda a disfruta un aumento leve den balor riba \$4 bion den capitalisacion di mercado, maske su balor

a cuminsa baha memey di comentario di criticonan cu e por ta un scam. Milei a delete e post algun ora despues mientras e balor di e criptomonedas tabata collapse den un caida cu a causa miyones di dolar den perdida na hopi di su inversionistanan nobo.

Por obtene e moneda, desaroja pa KIP Protocol y Hayden Davis, door di click un link cu a dirigi usarionan

na un website yama vivalalibertadproject.com, referiendo na e frase bon conoci, “Viva la libertad!” cu Milei ta usa pa clausura discurso y mensahe riba su rednan social.

Oficina di e presidente a bisa den un declaracion cu Milei no tabata involucra den ningun etapa di e desaroyo di e criptomonedas y a dicidi pa elimina su post pa evita speculation y limita mas exposicion, despues di e reaccion publico na lansamento di e proyecto.

“E presidente a comparti un post riba su cuentanan personal anunciando e lansamento di e proyecto di KIP Protocol, manera e ta haci diariamente cu hopi entrepreneur cu kier lansa proyecto na Argentina pa crea trabao y atrae inversion, oficina di e presidente a bisa.

Despues di delete e post, Milei a bisa riba X cu e no ta-

bata na altura di e detayenan di e criptomonedas, y a acusa su oponentenan politico di purba di explota e episodio. “Mi no tabata na altura di e detayenan di e proyecto, y despues di haya informacion, mi a dicidi di no continua promoviendo e (cu ta e motibo pakico mi a delete e tweet),” el a bisa.

Su oficina tambe a bisa cu e Oficina Anti-Corupcion di e pais, cu ta opera bao e brasa ehecutivo, lo investiga e caso.

Jonatan Baldiviezo, abogado y un di e acusadornan, a bisa diadomingo cu e acusadornan ta alega cu accionnan di Milei tabata parti di un asociacion ilicito pa comete “un cantidad indetermina di fraude” den e episodio. “Dentro di e asociacion ilicito aki, a comete e crimen di fraude, den cual accionnan di e presidente tabata esencial,” el a bisa.

Cantante Mexicano Paquita La Del Barrio ta fayece cu 77 aña

(USAToday) - Paquita La Del Barrio, e cantante Mexicano conoci pa himnonan feminista manera “Tres veces te engane” y “Rata de dos patas,” a fayece. E tabatin 77 aña di edad.

Su fayecimento a keda anuncia riba Instagram dialuna, cu un ptoet di e cantante acompaña pa un declaracion unda a confirma cu el a fayece den su cas na Veracruz, Mexico y pidiendo respet cu privacidad pa e famia di ambos publico y media.

“Cu dolor y tristesa profundo, nos ta confirma e fayecimento di nos stima ‘Paquita La Del Barrio,’ den su cas na Veracruz,” e declaracion a detaya, skirbi originalmente den Spaño. “Un fingerprint unico y irremplazabel cu a laga un fingerprint permanente den curason di nos tur cu tabata conoce y disfruta di su musica. “Nos ta gradici’bo di antemano pa bo comprension y respet durante e tempo dificil aki,” el a continua. “Descansa na pas, bo musica y legado semper lo biba den nos curason.”

Naci Francisca Viveros Barradas, Paquita su impacto riba e genero di bolero y ranchera tabata uno multifacetico. Durante e curso di un carera di



50 aña, e tabata usa letranan impactante pa atende machismo y sexismo ambos dentro di e industria y den e bida diario di hende muhe.

Su musica a nace for di experiencianan di bida real. Cu 16 aña di edad, el a casa cu un homber cu tabata 28 aña mas grandi cune. E union aki a caba 7 aña despues ora cu el a descubri cu e homber tabatin otro casa y famia. Su di dos pareha, Alfonso Martinez, a fayece den aña 2000 despues di 31 aña di matrimonio.

“Bida ta pasa, algun cos bon y algun cos malo - pero nos tin cu sigui, keda lucha,” el a conta USA TODAY den 2021, prome cu el a ricibi un honor special na Billboard Latin Music Awards. “Mi a casa pa un di dos biaha

y e tabata e mesun sacrilegio y sacrificio di biba cu un homber cu bo sa no ta leal,” el a bisa den un entrevista. “Ningun di nos ta obliga biba cu un homber cu no ta respet nos,” el a bisa. “Mi a sufri hopi y e ta dificil paso mi curason ta bay unda cu e kier. E sentimentonan aki ta loke ta guia hende na mi musica.”

Cuminsando su carera na Ciudad de Mexico den añanan 70, Paquita a canta na barnan y restuarantnan local. Prome cu su carera como solista a lansa, e tabata canta hunto cu su ruman muhe Viola Viveros. E duo tabata yama “Las Golondrinas” y tabata canta canticanan di Daniel Santos y Julio Jaramillo.

Mas di 30 album y varios nominacion di Grammy

despues, e lo ser recorda como un gigante di musica Mexicano. “Mi ta sinti hopi satisfaccion cu e hecho cu e trabao cu mi a haci tabata bon

ricibi y cu e publico a disfruta di esaki,” el a bisa.

Potretnan di USA Today.



Volker Türk ta propone pa identifica esnan tras di e gangnan poderoso na Haiti

(DiarioLibre) - Alto Comisario di Nacionnan Uni pa Derechonan Humano, Volker Türk, a bisa diasabra den e Conferencia di Seguridad na Munich (Alemania) cu mester identifica esnan tras di e gangnan na Haiti y cu mester haci un comprension di ken ta beneficia di e caos actual den e pais ey.

“Ta bisto cu tin interesnan crea den mantene e situacion aki, y nos mester investiga y sigui e fluho di placa (cu ta sostene e gangnan arma) pa haci esnan responsabel rindi cuenta”, segun e diplomatico na un dialogo di e Conferencia di Seguridad Mundial cu a ser teni na e ciudad Aleman ey, cu tambe a ser atendi pa e minister di Relacionnan Exterior di Costa Rica, y e ex Minister di Relacionnan



Exterior di Panama, Erika Mouynes. Pa Türk, Haiti mester di sosten mas grandi y integral di comunidad internacional.

E diplomatico a agrega cu loke ta pasando na Haiti ta un “gran tragedia” y a recorda cu Nacionnan Uni a impone un embargo di arma riba e pais, pasobra e gangnan tin acceso na armanan mas moderno cu

e autoridadnan di seguridad. “Haiti no ta produci arma, nan ta bin principalmente di Merca y tambe ta drenta via di Republica Dominicana. Esnan cu ta beneficia di trafico di arma mester ser para,” el a bisa.

Di acuerdo cu datonan verifica pa ONU, por lo menos 5,626 persona a muri na Haiti na 2024 como resultado di e

accionnan di gangnan criminal (mil mas cu e aña anterior), 2,213 a keda herida y 1,494 a keda secuestra. Di su banda e minister di Relacionnan Exterior di Costa Rica, Arnoldo André, a yama Haiti un “estado fraca” caminda e structuranan di un republica of un estado no ta existi. El a bisa cu e presion riba e poblacion Haitiano ta asina grandi cu “hendenan ta migra manera nan por” pa Costa Rica, Panama y otro paisnan Centro Americano.

“E pais cu mas ta sufriendo di e crisis na Haiti ta Republica Dominicana, su bisiña inmediato. Ta Republica Dominicana cu constantemente ta tumando e iniciativa pa alerta mundo riba loke ta pasando. Nacionnan Uni a haci esfuerzonan, incluyendo Kenia y El Salvador, cu a organisa forsan, pero ainda nan no a duna resultadonan positivo,” André a bisa.

“Nan ta djis bula drenta sali y tras di tur esaki semper tin un negoshi, tin un hende cu ta gana placa di dje. Ta e gangnan di droga y e gangnan di arma ta gana placa di dje”, el a bisa.

Mouynes a aclaria cu esaki no kiermen cu no tin Haitiano bibando den exterior cu ta comprometi cu e pais y kier yuda. “Mi ta kere cu ta djis cu no tin un roadmap y nan ta manda placa bek manera den hopi otro pais. Mi ta kere cu envio ta un di e principal fuentenan di entrada pa e pais na e momentonan aki,” e ex diplomatico a agrega.

Na mita di e siman aki, gangnan arma, cu hunto ta controla alrededor di 85% di Port-au-Prince, a cende e Hospital General na candela den e capital, den un demostracion nobo di e teror y control cu nan ta eherce riba e poblacion.

Mientras tanto, e ex minister di Relacionnan Exterior di Panameño, Erika Mouynes, a bisa cu e famianan economico dominante di Haiti ta biba den exterior y mayoria di nan ta residencia na Miami (Merca) of den areanan cu ta produci petroleo.

Memey di januari, e Organizacion Internacional pa Migracion (IOM) a informa cu e cantidad di hende desplasa na Haiti a triplica den apenas un aña y a surpasa un miyon hende, di cual mas cu mita ta mucha.

Trinidad y Tobago: Hoben tira mata mientras criminalnan ta terrorisa Tabaguite

(TrinidadExpress) - Criminalnan arma a bay den un racha di terror na Tabaguite durante fin di siman, atracando varios habitante y matando un hoben cu tabata preparando pa ser batista otro siman.

Algun ora prome cu Matthew Chancellor di 21 aña a ser asesina, habitantenan a bisa cu e hombernan a comete un serie di atraco den e area.

Ora cu e Express a bishita e famia na nan cas na New Bolt, Tabaguite, Maxwelo Chancellor, di 47 aña, a bisa cu e ta kere cu su yiu tabata victima di un caso di identidad erroneo.

“Matthew, mi otro yiu homber Justin, y nan dos primonan tabata riba caminda y un hende tabata warda riba un hende, manera identidad erroneo, y e hombernan nan a djis yega y tira riba e hoben nan pa nada. E tiponan aki no ta deal cu criminalidad,” el a bisa.

Papiando cu Express, Matthew su ruman homber mas hoben Justin Chancellor, di 19 aña, a corda e incidente.

“Matthew, ami, y dos di nos primonan tabata na e Bandstand banda di e Tabaguite Recreation Ground ora un

pelea a surgi alrededor di 12.30 a.m. E pelea no tabata cu nos, pero nan a cuminsa tira boter y nos a bisa cu nos ta bay prome cu e bira pio,” el a bisa.

Prome cu e cuatro hoben nan a yega na Cito Lane, nan a observa un auto para banda di e caya.

“Nos a pensa cu esey ta un di e hombernan cu nos conoce, pues nos no a duda y nos a cana pa yega mas cerca, pero despues nos a mira un homber sali for di e auto cu un arma, y nos a bira bek pa core,” el a sigui bisa.

El a bisa cu nan a core den diferente direccion, mientras cu e homber a los varios tiro.

“Mi ta djis corda con mi a bisa mi ruman homber pa core pasobra e ta un situacion di bida of morto. Mi a bisa Matthew djis core laga nos sali for di aki, y mi ta djis tende e arma a bati. Mi ta mira mi ruman djis cay abou y mi a pensa el a tropica. Despues, el a core bay den e matanan den cercania,” el a corda.

El a bisa cu e homber arma a core bay den Cito Lane mientras e auto a core bay duro.

E tata di seis yiu, entre e edadnan di nuebe y 21, a bisa cu criminalidad den henter e

nacion tabata empeora.

“E luga ta hopi malo. Mi ta kere cu nos mester dreacha e hobennan y esnan na Tabaguite, por lo menos busca ocupacion y deshaci di loke no ta bon. E mal simia semper ta dañá esun bon. Nos mester deshaci di e simia malo pa conserva esun bon”, el a bisa.

Un habitante tambe a bisa Express cu e criminalnan a terrorisa varios hende den e area y a atraca nan durante fin di siman.

Polis di Gran Couva a confirma cu e incidentenan tabata ser investiga.

E cantidad di asesinato pa aña te awor tabata 44, compara cu 60 pa e mesun periodo aña pasa ora no tabatin estado di emergencia.



TRABOU DI MANTENCION RIBA LIÑA DI DISTRIBUCION PARADERA
Interupcion di Coriente Planea

En conexion cu trabounan necesario pa mantene un suministro di coriente confiabel, e servicio di coriente lo wordo interumpi:

Diahuebs, 20 di februari 2025
8:00 AM te cu 4:00 PM

Den vecindario di:

- Paradera (un parti)
- Bloemond (un parti)

N.V. ELMAR ta pidi disculpa pa e inconveniencia cu e interupcion di coriente aki por causa.

Danki pa e comprension.


ELMAR

Island Asia Store

Av. Millio Croes #122 | T. 583-8888 | (front of Price Smart)

TIN SURTIDO SPECIAL PA CARNAVAL 71

Nos tin jug di diferente tamaño, blas, accesorio, bril solo, keds, sandalia, mea, sapato, sweater y t-shirt. Articulo pa bo fantasia di Carnaval y prijs pa tur carteral!"

HORARIO: Dialuna - Diasabra 9AM - 7PM (NON STOP)
Diadomingo 10AM - 2PM

Traspaso di Mando 2025

Gobierno di Aruba oficialmente a pasa e mando di Aruba su Carnaval pa nos Prins y Panchonan na unda cu nan lo goberna bou di e gobierno di SMAC.

SMAC a duna palabra di danki na Prome Minister Evelyn Wever Croes kende a rici-

bi SMAC y su monarcanan cu man habri na Bestuurskantoor. A

labes Presidente di SMAC Darren van Ommeren den cuadro di 10 aña di SMAC, Prome Minister y su bureau a ricibi nan pin oficial di SMAC.



Aruba Bank ta celebra 100 aña cu e muchanan den Parada di Noord

Sosteniendo e tema "Ban Hunga" di Centro di Bario Noord



Aruba Bank ta celebra cu orguyo e éxito di Parada di Noord, unda e banco a patrocina Centro di Bario Noord den su participacion cu e tema "Ban Hunga."

Un parada cu hopi energia y color a reuni comunidad den un participacion yena di creatividad, cultura y union. Cu e apoyo di Aruba Bank, e participacion di Centro di Bario Noord a muestra entusiasmo y talento di nos muchanan y hubentud, reforzando e importancia di uni nos comunidad y preservacion cultural.

Aruba Bank ta compromete na sostene iniciativa cu ta uni nos hendenan y ta aporta na e futuro generacion. Mirando Centro di Bario Noord briya den Parada di Noord bou di e tema "Ban Hunga" tabata berdaderamente inspirante, y e banco ta orguyoso di a forma parti di e experiencia inolvidabel aki.

Aruba Bank ta dedica na sostene y celebra nos herencia cultural, promove union y fortifica nos comunidad



SMAC a dedica e Parada di Mucha Oranjestad na Rode Kruis Aruba



Diadomingo, 16 di februari 2025 den cuadro cu e di 10 aña di SMAC, a dedica e Parada di Mucha Oranjestad na Rode Kruis Aruba.

Danki na Sr. Stephen Daal y su ekipo pa su dedicacion na henter aña pa cu prome auxilio di nos pais Aruba.



Schedule di evento pa Carnaval 71

Temporada di Carnaval 71 ta den full-swing, y ainda tin un cantidad di parada y actividad pa disfruta! No perde niun di e siguiente actividadnan di Aruba su Carnaval:

Diaranson 19 di februari	North International Sunset Parade	7:00 pm - 1:00 am
Diabierna 21 di februari	Parada Escolar Basico Oranjestad	10:00 am
Diabierna 21 di februari	Battle of the Bands	8:00 pm
Diabierna 21 di februari	Kiwanis 26th Masquerade Party	9:30 pm
Diasabra 22 di februari	Lighting Parade Oranjestad	8:00 pm - 3:00 am
Diadomingo 23 di februari	Parada di Mucha San Nicolas	2:00 pm - 6:00 pm
Diadomingo 23 di februari	Kimamento di Momito	7:00 pm - 9:00 pm
Diahuebs 27 di februari	Parada di Luz San Nicolas	8:00 pm - 2:00 am
Diabierna 28 di februari	Parada Escolar San Nicolas	10:00 am - 1:00 pm
Diabierna 28 di februari	Parada Escolar Noord	8:00 am - 10:30 pm
Diabierna 28 di februari	Parada Escolar Oranjestad	10:00 am - 1:00 pm
Diasabra 1 di maart	Parada Grandi San Nicolas	11:00 am - 7:00 pm
Diadomingo 2 di maart	Parada Grandi Oranjestad	11:00 am - 7:00 pm
Diadomingo 2 di maart	Kimamento di Momo	7:00 pm-10:00 pm
Dialuna 3 di maart	Chill Out Monday Baby Beach	12:00 pm - 9:00 pm
Diaranson 5 di maart	Diaranson di Shinishi.	

TOP 25 HOTEL IN THE WORLD ON TRIPADVISOR
FIRST & ONLY CERTIFIED CARBON NEUTRAL RESORT IN THE CARIBBEAN

BUCUTI & TARA

LEAD & THRIVE WITH US!

MANAGEMENT POSITIONS:

- DIRECTOR OF OPERATIONS
- SUSTAINABILITY MANAGER
- FRONT OFFICE SUPERVISOR
- HOUSEKEEPING SUPERVISOR

Join our Award-Winning Leadership Team and elevate your career with exceptional benefits and opportunities for professional growth. At Bucuti & Tara, we empower our leaders to inspire, innovate, and create lasting impacts in the hospitality industry. Be part of a dynamic team that values excellence, fosters collaboration, and rewards dedication.

www.bucuti.com/careers

Director Todd Haynes ta comenta cu Hollywood mester resisti presion di Trump

(AFP) - Director di pelicula Mericano Todd Haynes a urgi e industria di pelicula para contra Donald Trump su administracion y a adverti tocante e riesgo di “contaminacion” pa e cambionan radical na caminda pa Merca.

Papiando cu AFP na Berlin, unda e ta cabes di e hurado na e ciudad su festival di pelicula Berlinale, e director di “Far from Heaven” y “Carol” a bisa cu e ta impacta pa Trump su “agresion barbarico contra institucionnan democratico Mericano.”

“Nos ta den un momento horroroso actualmente y esaki lo tuma tur energia posibel pa resisti y bay back na un sistema cu, por mas fayto cu e tin, ta algo cu nos no a aprecia como Mericano,” e director di 64 aña a comenta.

El a nota con hopi corporacion Mericano ya caba a posiciona nan mes pa cay den gracia cu e administracion nobo di Trump na Washington.

Companionan grandi Mericano manera Goldman Sachs na gigante red social manera Meta ya caba a anuncia cambio na nan politica di diversi-



dad y inclusion, conoci como DEI. E iniciativanan di DEI frecuentemente ta considera “woke” (liberal) pa Trump y su sostenedonan.

“Desafortunadamente nos ta mirando caba, no necesariamente den Hollywood pero si den varios otro sector cu tin poder corporativo masivo, con ya caba nan ta doblando rudia pa e administracion nobo, e ta impactante,” Haynes a expresa na AFP.

“Ora hende bisa ‘nan ta djis hungando e wega di sobrevivencia,’ esey ta unda bo ta haya bo mes contamina pa e cultura cu bo ta aden y perdiendo bo mesun habilidad pa

para den su contra, y esey ta loke a sucede den nos pasado. Y nos mester ta altanto di e peliger di esaki,” el a continua.

Siman pasa, studio grandi di Hollywood Disney a informa su empleadonan cu e lo retira DEI como un “factor di prestacion,” pero si lo inclui “inclusion” como un di su balornan fundamental.

E decision aki a causa inquietud den algun empleado, segun noticia den media Mericano cu a circula.

Resistencia

E incertidumbre crea pa Trump su gobierno ta un punto di combersacion con-



stante na e aña aki su Berlinale, e prome festival di pelicula grandi Europeo desde cu Trump a tuma su cargo pa di dos biaha dia 20 di januari.

E festival su director Mericano, Tricia Tuttle, a habri eventonan diabierna pa medio di argumenta cu cinema por ta un acto di “resistencia” na tur e ideanan perverso cu varios partido ultra-derechista den henter mundo y Europa ta plamando.”

E festival ta caba diadomingo e mesun dia cu un eleccion na Alemania, cual mester a ser haci despues cu Canciye Olaf Scholz su coalicion den gobierno a collapse fin di aña pasa.

Haynes tambe a adverti tocante e impacto di e “campana yen di odio contra personanan transgenero den particular y personanan di e comunidad LGBTQ+ en general” durante Trump su campana pa e presidencia aña pasa. “Mi ta kere cu nos no a realisa con hopi ta den riesgo,” el a conta AFP. “E ta nifica cu nos tin cu cuminsa lucha pa tur loke nos tabata lucha den pasado, for di comienso.”

Haynes tin plan di lansa un pelicula tocante un romance homosexual cu ta tuma luga den 1930 cu a pone den pausa aña pasa despues cu Joaquin Phoenix a retira di e elenco dianan prome cu a cuminsa graba, pa motibonan desconoci.

Jessica Chastain ta aborda politica entre Merca y Mexico den pelicula nobo ‘Dreams’

(AFP) - Actor Mericano ganadora di Academy Award Jessica Chastain a papia tocante su pelicula mas recien, cual ta conta e storia di un bailarin di ballet Mexicano cu ta desea bay Merca, y a comenta cu esaki ta “politico y no por nenga esaki” prome cu su premiere.



“Dreams,” di e actor Mexicano Michel Franco, ta conta e storia di Fernando (Isaac Hernandez), un bailarin di ballet hoben for di Ciudad de Mexico cu ta soña di tin fama internacional. Fernando ta kere cu su pareha, Jennifer (Jessica Chastain), un persona di nivel social halto basa na San Francisco lo sosten’e den su ambicionnan y ta tuma e decision di crusa e frontera di Merca ilegalmente pa por ta cu su pareha.

Fernando ta laga tur cos atras, crusando e frontera y sca-

pando morto ora cu e ta tira banda di caminda riba un dia caluroso.

Na momento cu el a yega San Francisco, sinembargo, e ta haya problema pa por tin un luga den Jennifer su mundo cu ta cuatelosamente controla y e relacion entre ambos rapidamente ta deteriora. Papiando cu reporteronan prome cu e premiere di “Dreams,” Chastain a comenta cu e pelicula “realmente ta toca e tema di e relacion entre Merca y Mexico.”

E storia ta “increiblemente politico, parcialmente pa mo-

tibo di loke ta sucediendo actualmente.. No solamente na Merca, sino na henter mundo,” el a expresa.

Ora cu e president Donald Trump a cuminsa su di dos termino, el a duna un gran cantidad di ordo ehecutivo cu e meta di cambia con Merca ta lidia cu inmigracion, specialmente for di Mexico.

Trump a declara un emergencia nacional na e frontera cu Mexico y a bisa cu e lo manda trupa na e sitio pa “contraresta e invasion desastroso di nos pais.”

E director Franco ta conoci pa hitnan manera “New Order” y “Chronic”.

El a bisa cu e relacion entre Jennifer y Fernando den e pelicula por ser mira como un spiel di e relacion entre e dos paisnan. “E relacion entre Mexico y Merca ta uno



compleho, unda nos tin mester di otro pero nos ta abusa di otro,” el a expresa.

Den “Dreams,” Chastain su persona ta tuma un decision drastico cu e ta kere lo permiti su persona keda cu Francisco pero tambe su bida na San Francisco na mesun tempo, cu consecuencianan debastador.

Chastain, di 47 aña, ta conoci pa su trabao den proyectonan cu temanan feminista y a bisa

cu e “interpreta un personahe manera Jennifer tabata algo hopi interesante.” “Mi no por a filtr’e dor di e lens di mi mesun creencianan moral ni politico, pa motibo cu haci esey lo a cambia e personahe y storia completamente. Mi a haci mi deseo pa interpreta personahe cu ta comete hopi error. Mi lo ta preocupa ni worry si nan ta personahe cu hende lo gusta, pero si mi kier pa nan bira un topico di discusion of dialogo entre hende.”

A mira ‘un storia increibel’ ora cu Bentaleb a anota gol den su regreso despues di atake di curason

(AFP) - Nabil Bentaleb a anota 4 minuut despues di su prome wega desde cu el a sufrí un atake di curason pa hiba Lille un victoria di 2-0 na Rennes diadomingo, cu su coach elogiando e hungado “su storia increibel.”

E victoria a permiti Lille bolbe di 5 luga den Ligue 1 cu Lyon brevemente a logra tuma anteriormente den e dia despues di un victoria contra Montpellier.

Nice a gana 3-1 contra Le Havre y a logra bay den top 3.

Bentaleb, e hungado internacional di Algeria di 30 aña, a sufrí un atake di curason den juni ultimo. Desde e tempo aki, el a ricibi un implante di desfibrilador segun loke fuentenan di e club a informa AFP. E comision medico di e Federacion Frances di Futbol a dun’e e aprobacion pa por hunga diaranson.

El a regresa pitch despues di 76 minuut diadomingo anochi, 4 minuut despues cu e anfitriónnan a ser reduci na 10 persona ora cu Christopher Wooh a ser saca. Lille a bombardia Brice Samba den e gol na Rennes, ken tambe a salba un penalty debil den



e prome mita di Chuba Akpom. Sinembargo 4 minuut despues di a subi veld, Bentaleb a kibra e mal suerte, trahando duro pa anota un gol despues di Samba su save. Bentaleb a core na banda señalando e empleadonan di coach prome cu el a bula riba nan. Akpom a logra anota un otro 6 minuut despues.

“E ta un storia realmente increibel y nos tur ta contento di por experiencia esaki,” coach di Lille Bruno Genesio a comenta.

“El a keda wanta, el a kere den su mes, el a kere den e hendenan cu tabata cuid’e. Tabatin periodo unda nos tur a pensa si e lo bolbe hunga

of no. Mientras tempo tabata sigui pasa, nos tur a genera mas confiansa den e y su habilidad di por hunga atrobe.”

Genesio a agrega cu “obviamente, e tabata un victoria real caba p’e, pa motibo cu el a pasa dor di temponan teribel.”

Demas weganan

Riba un dia unda tur 5 ekipo internacional a gana, Nice a tuma e control na Le Havre via un gol den minuut 16 for di Gaetan Laborde y un gol propio di Etienne youte Kinkouve dos minuut despues.

Yassine Kechta a contesta pa e anfitriónnan 28 minuut despues. Hungado di Nice



Melvin Bard a ricibi su di dos carchi geel den e ultimo minuut, sinembargo substituto Sofiane Diop a fortalece e victoria cu e bishitantenan cu un gol den tempo extra. Nice a bolbe haya un posicion final garantisa den Champions League cu un gol di diferencia di Monaco, ken a logra un victoria contra Nantes di 7-1 diasabra.

Lyon a tuma vengansa pa un derota na cas anteriormente den e temporada cu un victoria di 4-1 contra Montpellier. Georges Mikautadze a duna e bishitantenan un posicion lider den e tercer minuut. Tanguy Coulibaly a nivela esaki prome cu e break.

Lyon a domina e di dos mita y

a pasa dor di Ernest Nuamah, Corentin Tolisso y Alexandre Lacazette, cu su di 15 gol den su carera contra Montpellier.

E siguiente wega lo ta Lyon contra e lidernan di e liga Paris Saint-Germain.

“Nos lo ta hungando contra e miho ekipo den e liga Frances. Nos ta bay prepara nos strategia bon, sabiendo cu nos a haci un bon progreso,” coach di Lyon Paulo Fonseca a agrega.

Strasbourg a logra yega posicion number 7 cu un victoria di 2-0 na Lens. E ekipo a keda reduci na 10 ora cu Deiver Machado a sali durante minuut 72.

E bishitantenan a explota nan bentaha cu un gol den minuut 81 di Dilane Bakwa y un di dos gol den e minuut 96 di Emmanuel Emegha.

Farid El Melali a anota e unico gol di Angers su victoria 1-0 na Reims.

Diasabra, Fabian Ruiz a anota e unico gol di PSG contra Toulouse den su victoria di 1-0 pa keda 10 punto leu na e posicion top di e mesa for di Marseille, ken a haya victoria contra Saint-Etienne 5-1

Neymar ta marca pa Santos cu su prome gol desde 2023

(AFP) - Neymar a anota un gol pa prome biaha den mas di 14 luna diadomingo cu su prome gol pa Santos desde cu el a regresa e club di su infancia den comienso di e luna.

E hungado di 33 aña a yuda Santos vence 3-1 e ekipo di 4to division Agua Santa den un partido di e campeonato estatal di São Paulo.

Neymar, ken a logra anota den su prome 3 partido cu Santos, a anota un penalty den e minuut 14.

Esaki tabata su gol number 137 den 229 wega cu e club na cual e la regresa despues di a sali den 2013 pa ficha pa Barcelona. Tambe esaki tabata su prome gol pa cualkier ekipo desde dia 3 di october den 2023, ora cu e tabata hunga pa Al Hilal contra Nassaji Mazandaran den Asian Champions League.

El a termina su contract cu e



club Saudita na fin di januari pa e por bolbe cas.

Neymar a pasa 18 luna cu Al Hilal despues di a uni for di Paris Saint-Germain den augustus di 2023 cu un contract cu, segun e noticia cu a circula, tabatin un balor di 103 milyon dollar pa temporada. El a hunga 5 partido cu nan prome cu el a sufrí un lesion grave den su rudia mientras e

tabata hunga pa Brasil.

Despues di 1 aña den recuperacion, el a bolbe den october pasa y a hunga 2 wega mas cu Al Hilal prome cu el a sufrí otro lesion.

Diadomingo, ademas di su gol, Neymar tambe a provee un asistencia, otro prome den e 4 weganan cu el a hunga desde cu el a yega Brazil.



Directiva di OpenAI ta rechasa oferta lidera pa Elon Musk

(AFP) - OpenAI su presidente di directiva a bisa diabierna cu esaki a rechasa unanime e oferta lidera pa Elon Musk di cumpra e compania di inteligencia artificial pa 97.4 biyon dollar.

“OpenAI no ta na benta y e directiva a rechasa di manera unanime Mr. Musk su intento mas recien di stroba su competencia,” presidente di e directiva Bret Taylor a bisa den declaracion publica pa e compania riba X, anteriormente conoci como Twitter.



“Cualquier reorganizacion potencial di OpenAI lo fortalece nos organizacion y su mision

di sigui garantisa AGI (Artificial General Intelligence) su beneficio pa henter humani-

dad,” e declaracion a continua.

Musk a entrega keho na corte diaranson bisando cu e lo retira su oferta pa cumpra OpenAI si e directa regresa e pionero den inteligencia artificial na un modelo di “caridad.”

OpenAI actualmente ta opera bao un estructura hibrido, como un organizacion sin intencion di genera placa cu un subsidiario cu si ta genera placa.

E cambio na un model cu ta

pa genera placa o ganashi - uno cu Altman ta considera crucial pa e compania su desaroyo - a empeora e tensionnan creciente cu Musk.

Musk y Altman tabata entre e ekipo di 11 persona cu a funda OpenAI den 2015, cu e anterior aportando e financiamiento inicial di 45 miyon dollar. 3 aña despues Musk a sali for di e compania, cu OpenAI citando un “posibel conflicto den futuro cu Elon pa motibo cu Tesla ta sigui enfoca cada biaha mas riba AI.”

Famianan ta busca husticia na Italia den huicio di ‘kimiconan eterno’

(AFP) - Managernan di un planta kimico acusa di conscientemente contamina e awa di miles di hogar ta den huicio na Italia, den un di Europa su demanda pa desaster ambiental mas grandi.

E fabrica awo cera Miteni cerca di Vicenza ta acusa di a contamina un di Europa su deposito di awa mas grandi cu PFAS, asina yama ‘kimico eterno’ pa motibo cu nunca nan ta descompone.



PFAS ta den uso desde fin di aña 1940 pa produci e tratamentonan waterproof, resistente na mancha y ‘nonstick’ cu ta pone riba tur cos for di panchi te paraplu, entre otro.

Sinembargo exposicion cronico na te hasta nivelnan abao di e kimiconan aki ta conecta na daño den higra, colesterol halto, respuesta inmunologico reduci, peso abao ora di nacemento y varios tipo di cancer. Mas di 200 victima civil a uni e huicio Italiano, cual a cuminsa den 2021 y ta anticipa di yega un veredicto di maart of juni.

Matteo Ceruti, un abogado representando algun di e famianan afecta, a conta AFP cu e tabata “un di e desasternan ambiental mas grandi den historia.. (cu) un poblacion afecta di te hasta 350,000 persona.”

E caso a ser motiva parcialmente pa un campaña di mananan local, kendenan a uni despues di a descubri cu nan famia tin e kimiconan den nan sanger. “Cu gran tristesa nos a haya sa cu nan a drenta via e awa potabel di nos casnan, for di e cuminda den nos hardin, for di e bestianan cu

nos a cria pa duna nos yiunan cuminda saludabel,” Giovanna Dal Lago, un mama di 5, a conta AFP. “E tabata un golpi na mi curason,” Dal Lago a comenta. “Con un mama por pensa cu el a envenena su yiunan sin sa, sin a tin e oportunidad di tuma un decision?”

E Ministerio Publico ta acusa cu e planta di Miteni na Trissino, cual a produci PFAS desde 1968 y tabata maneha pa 3 compania te cu el a cera a causa di bancarota den 2018, a leak awa sushi cu substancia kimico den un coriente di awa.

Esaki a drenta otro corrientenan di awa, contaminando un gran area entre Vicenza, Verona y Padova. 15 manager di Mistubishi, International Chemical Investors (ICIG) y Miteni ta acusa di contamina casi 200 kilometer cuadra di awa potabel ademas di tera.

Si declara culpabel di conscientemente contamina e awa potabel, nan por haya un sentencia di 15 aña den prizon. E victimanan ta pidi compensacion tambe.

Abogadonan di e managernan a dicidi di nenga duna

comentario of no a contesta AFP, sinembargo ta kere cu e ekiponan di defensa lo señala un falta di regulacion specifico na e momento ey.

E contaminacion a ser descubri den 2013 despues cu Italia su ministerio di ambiente a pidi test di Riu Po despues di un proyecto Europeo den 2006 unda a evalua e exposicion na e kimiconan aki den riunan.

Di tur e riunan cu a studia, Po tabatin e concentracion mas halto di un PFAS specifico yama PFOA, un carcinogeno conoci. Mas investigacion a identifica Miteni como e fuente.

Na e tempo aki, no tabatin regulacion Italiano ni den Union Europeo pa e contenido di PFAS den awa potabel, segun e rapport regional di World Health Organization (WHO).

E region Veneto ta bisa cu inicialmente el a ricibi conseho di Italia su instituto nacional (ISS) y e gobierno cu no tabatin “riesgo inmediato na e poblacion,” pero si a ser bisa pa trata e awa y a instala filter.

Doctor local Vincenzo



Cordiano, un experto den cancer y sanger, mientrastanto a cuminsa nota cancer averahe mas halto entre pashentnan di un cierto area. Cordiano, hefe regional di International Society of doctor for the Environment (ISDE), tabata familiar cu un caso di polucion di perfil halto di PFAS na Merca.

Pa es motibo, alarma a bati ora cu el a cuminsa mira un “aumento den frecuencia di.. Malesanan cual por involucra e moleculenan aki” den e area contamina na Italia, el a conta AFP.

Den data di e region tambe a nota un cantidad mas halto di morto, casonan di “mortalidad den exceso cu por ta splica pa PFAS.”

E descubrimiento a causa un movimiento di manifestacion cu a inclui “Mums Against PFAS” (Mamme No PFAS), entre nan Dal Lago.

E no ta confia den e filtro nan cu a instala pa capta tur e kimiconan. “Te ainda nos tin miedo di awa potabel na cas,” el a expresa.

Greenpeace Italia, tambe un victima civil, a bisa cu e



fracaso den limpia e sitio di Mitani ta nifica cu e ta “sigui contamina” e area, y un falta di test regular di cuminda cultiva localmente of criadero di bestianan den e area por sconde un contaminacion hopi mas amplio.

E grupo ambiental y Mamme No PFAS ta urgi e autoridadnan regional pa test y publica e resultadonan, sinembargo ta sospecho cu tin miedo di dañe e industria di agricultura y exportacion, for di prosecco te keshi. “Nos no tin un imagen cla di e contaminacion di productonan di cuminda cu ta bini for di e teritorionan aki,” Greenpeace su experto den contaminacion Giuseppe Ungherese a conta AFP.

“E falta di control por potencialmente expone miles di ciudadano, no solamente Italiano pero tambe Europeo,” na inconscientemente consumi kimiconan eterno, segun declaracion cu Giuseppe a expresa.

Accidente ora un pick-up a bay cambia di banda sin a wak auto ta bin

Diasabra atardi a drenta informe di un accidente na e rotonde Cumana, mesora a dirigi un patruya na e sitio.


Na yegada di e patruya a bin compronde cu aki ta trata di un accidente ora cu e chauffeur di un pick-up a bay cambia di banda pero no a mira auto ta bin y a bay dal esaki. Aparentemente tabata djis un rasca minimal y ningun hende a resulta herida.



Chauffeur a sali distrai for di fruteria bay reverse y a dal e auto su tras

Diasabra atardi a drenta informe di un accidente na Boliviastraat, mesora a dirigi un patruya na e sitio.

Na yegada di e patruya a bin compronde cu aki ta trata di un accidente unda cu un chauffeur a sali tur distrai y a bay reverse sin a wak e auto su tras y a bay djis mishi un tiki cu ne.



Problema di famia na Paradera: Homberto tabata bonbini mas na e cas y mester a bandona!



Diadomingo madruga a drenta informe di un problema na un cas na Paradera unda hasta un hende a bira malo, mesora a dirigi tanto polis como ambulans na e sitio.

Na yegada di e patruya a bin compronde cu e problema a escala ora cu un homber a causa un rabiamento unda hasta un persona na e cas a bira malo cu hasta ambulans a presenta. Polis a intermedia unda na final e homber no ta-

bata bonbini mas na e cas, y te cu e mester a recoge su pertenencianan y un familiar mester a busk'e y hib'e na otro adres. Mientras e personal di ambulans a atende e persona na e sitio mes.

Chauffeur a bay dal tras di e auto su dilanti y a keda cu dolor



Diadomingo mainta a drenta informe di un accidente cu hende herida na Paradera, mesora a dirigi tanto polis como ambulans na e sitio.

Na yegada di e patruya a in compronde cu aki ta trata di

un accidente unda e chauffeur di un Mazda Demio no a regula su velocidad ni a mantene distancia, y a bay dal tras di e Honda Fit su dilanti. Debi na e fuerte impacto e chauffeur den e Demio a resulta herida. Na yegada di e ambulans nan a atend'e.

Turista kiermen el a dal 2 banda di 8'or di anochi y den oranan di mainta el a accidenta



Diadomingo mainta tempran a drenta informe di un accidente na Pos Chikito mesora a dirigi un patruya na e sitio.

Na yegada di e patruya a bin

compronde cu aki ta trata di un accidente unda un turista den un v-wagen a accidenta. E turista a bisa cu e anochi prome el a dal 2 y den oranan di mainta el a hay'e den e situacion aki.

Parada di mucha Oranjestad cu 11 detencion

Parada di mucha di Oranjestad a cuminsa cu hopi ambiente pa exactamente 1'or di merdia. Cuerpo Policial conhuntamente cu SMAC a haci e inicio di e parada.

E parada a conta cu 7 grupo y den total di 1,600 participante. Cuerpo policial tabata tin 200 personal riba pia. E departamento tabata: Polis uniform, recherche, Mobiele Eenheid, Comando Mobiel, O.C.C. Flex team, K9 Unit, Polis di trafico, personal di CEA y nos personal administrativo.

Pa 5:43 di atardi e cabes a yega ex-DOW. Pa 6:45 at-



ardi e parada e yega su final. Polis ta informa cu tabata tin un total di 11 detencion. E detencionnan tabata pa arma blanco (cuchiu), no sigui ordo di polis, droga y bringamento. Aña 2024 tabata tin solamente 8 detencion.

Unidad Motorisa a tene su

controlnan tambe durante y despues di parada. A para na diferente puntonan strategico na unda a controla 175 auto. Durante e control en cuestion a detene 7 chauffeur manehando bao influencia di alcohol. Di e 7 chauffeur 6 a perde nan rijbewijs.

Persona herida ora e chauffeur di un Nissan Cube a bay dal tras di un Chevrolet Colorado Pick-up

Diadomingo mainta a drenta informe di un accidente cu hende herida na Tanki Leendert, mesora a dirigi tanto polis como ambulans na e sitio.

Na yegada di e patruya a bin compronde cu aki ta trata di un accidente unda cu e chauffeur di un Nissan Cube no a regula su velocidad ni a mantene distancia a bay dal tras di un Chevrolet Colorado pick-up. Despues di e accidente, un persona den e pick-up tabata keha di dolor na nek. Na yegada di e ambulans nan a atende e persona aki na e sitio mes y a conseh'e si e dolor bira mas severo pa e bay hospital.



Polis a tene control riba un auto dilanti Maria College y a confisca un cuchiu



Diadomingo anochi durante control polis a para un auto. Aki ta trata di un Ford Figo.

Den dje lo tabata tin varios hoben y ora a controla a bin topa un cuchiu grandi. Mesora polis a confisca esaki. Tambe a haci test di alcohol

riba e chauffeur pero e no tabata bao influencia. Polis a papia cu e hobennan y a laga nan bay.

Chauffeur di van a bay maniobra pa reverse y a dal auto staciona



Diasabra anochi a drenta informe di un accidente na Palm Beach, mesora a dirigi un patruya na e sitio.

Na yegada di e patruya a bin

compronde cu aki ta trata di un accidente unda e chauffeur a bay reverse y a dal un otro auto. Afortunadamente ningun hende a resulta herida.

Piscado su auto a bay den lama na Mangel Halto y bolter



Diadomingo atardi a drenta informe di cu un auto lo a cay den lama na Mangel Halto. Mesora a dirigi un patruya na e sitio.

Na yegada di e patruya a bin compronde cu e chauffeur lo a bay pisca y un rato despues el a nota cu su auto lo a disparce. Ora e a bay wak e lo a ripara cu su auto a cay den

lama. Polis a keda di regla pa saca e auto for di lama pa asina e no keda y contamina e lama. Polis a tuma datos di e incidente aki.

Despues cu a haya sa cu e doño no tin placa pa laga saca e auto, polis mes a yama 2FAST4YOU pa nan bini y saca e auto pa asina evita mas daño na e naturalesa.

Prome Minister ta urgi comunidad pa sea alerta y no cay den noticianan y materialnan falso cu tin circulando riba medionan social na Aruba

Recientemente por a nota riba medionan social na Aruba varios publicacion di noticianan falso y materialnan di deepfake ta circulando. Prome Minister a indica cu ultimamente, Servicio di Siguridad Nacional di Aruba (VDA) a detecta un aumento grandi den noticianan falso y material manipula (deepfakes), cu ta wordo uza pa trata di engaña nos ciudadanonan. Un di e formanan mas comun ta via fraude cu crypto, unda personanan ta wordo convencenci pa haci inversion y despues ta perde nan placa.

Prome Minister a expresa cu



como Gobierno, nos tin e responsabilidad di proteha nos ciudadanonan contra e tipo di abuso aki. P'esey ta pidi comunidad pa keda alerta y sigui algun paso importante y recomendacionnan di VDA.

Con pa reconoce noticianan falso y e asina yama deepfakes

• Controla unda e noticia ta bin. Un solo fuente no ta

basta. Verifica e informacion den medio confiable y oficial prome cu bo kere of comparti.

• Paga tino na e imagen of video. Deepfakes por parce real, pero tin detayenan extraño, manera movicion no natural of audio cu no ta cuadra.

• Mira si otro medio confiable a publica e noticia. Si un noticia no ta wordo confirma pa instancianan oficial, ta

miho bo no confia.

• Uza hermentnan di verificacion. Imagen of video por wordo manipula. Uza un 'reverse image search' pa verifica si nan ta autentico.

• Tene cuidou cu oferta di inversion. Estafadornan ta hopi creativo pa trata di saca placa for di hende. Nunca inverti sin investiga bon prome.

Con bo por proteha bo mes?

• No comparti bo informacion personal cu persona of organisacionnan desconoci.

• Si bo topa noticianan sospechoso, raporta esaki na VDA (11911) of Polis di Aruba (KPA 11141).

ba (KPA 11141).

• Keda informa y sigui e campananan di siguridad digital pa bo sa con pa detecta fraude.

“Nos ta compromete pa proteha nos pueblo contra e tipo di engaño aki. Pero nos mes- ter bo colaboracion. Ta solamente via conscientisacion y vigilancia cu nos por combati e menasa di noticianan falso y fraude digital. Mi ta pidi bo pa keda alerta, pensa criticamente, y si bo tin duda, verifica semper prome cu bo actua”, Prome Minister a expresa.

Research Conference: Organization, Governance and Management (Facultad di Arte y Ciencia)


Departamento di 'Organization, Governance and Management' (OGM) di Universidad di Aruba ta organizando su 'Research Conference' den cuadro de celebracion di 15 aniversario. E conferencia, titula "Innovative Future of Governance in Aruba", lo tuma lugar riba 18 y 19 di februari 2025 na Universidad di Aruba. E evento lo presenta orador renombra, tanto local como internacional den e tereno academico y profesional. E meta di e conferencia ta pa dialoga riba topico di gobernacion y innovacion cu e sosten di investigacion científico y asina contribui na e desarrollo di e organisacionnan den nos comunidad.























Algun di e oradornan ta Luciano Milliard (Universidad di Aruba), Ahmet Talan (Universidad di Aruba), Dr. Kristel de Nobrega (Centrale Bank van Aruba), Dr. Luc Alofs (Universidad di Aruba) cu lo representa e perspectiva local di gobernacion. Ademas di orador local, tambe ta yama bon bini na orador internacional esta, Prof. Dr. Mirko Noordegraaf (Universidad di Utrecht, Hulanda), Prof. Dr. Wiegert Bakker (Universidad di Utrecht, Hulanda) y Dr. Stella van Rijn (Universidad di Kòrsou). E perspectiva internacional lo contribui na un dialogo amplio tocante

governacion, liderazgo y investigacion científico. Ademas lo tin e oportunidad di participa den sesion interactivo pa explora topico di e proyectonan di doctorado den e departamento. E sesionnan interactivo lo cubri e topico manera diversidad, gobernacion publico y profesionalismo den sector publico.

E conferencia aki ta hopi mas cu un celebracion – e ta simbolisa un oportunidad pa fortalece investigacion científico na Aruba y stimula innovacion den area di gobernacion na Aruba. E departamento di OGM ta considera e conferencia aki un oportunidad pa innova su plannan y ambicionnan den e area di investigacion científico den colaboracion cu e participantenan. E participantenan lo haya e oportunidad di explora diferente concepto, direccion y strategia cu e intencion di inspira innovacion. E evento ta specialmente destina pa inspira estudiante, investigador científico y profesional den e tereno di gobernacion. Pa asina stimula un futuro innovativo. Interesadonan ta invita pa registra via e website di Universidad di Aruba www.ua.aw.

Nos ta invita comunidad di Aruba pa sigui nos departamento riba Facebook: University of Aruba: OGM y Instagram: @ogm_ua.

Resultado Sorteo Februari 17			
Cadena Alexander Lottery ta presenta resultado di weganan di suerte			
DIARIO	KORSOU	SUPER4	FLAMINGO
7694	8816	6344	1651
4208	5642	SUPER5	6059
5180	8417	-	3180

MERDIA	ANOCHI																						
 Sorteo # 4540 0427 5598 6974  X5  Sorteo # 4540 0598  X3  Sorteo # 2596 5095  Sorteo # 4540 9783 Capricornio  Sorteo # 1414 494  FP	 Sorteo # 8476 1815 7335 5049  X2  Sorteo # 7520 5499  X2  Sorteo # 2225 1094  Sorteo # 6279 7439 Cancer  Sorteo # 1209 505  X2	 Sorteo # 0 x Jackpot 0 x Match 4+ 0 x Match 4 0 x Afl. 12,00  Sorteo # 6746 0 x Jackpot 5 x Match 4 208 x Afl 8,00  Sorteo # 0 x Jackpot 0 x match 4 0 x Afl. 500,00 0 x Afl 50,00 0 x Afl.15,00   Sorteo #	<table><tr><td>Joker</td><td>Letter</td></tr><tr><td colspan="2">Proximo Jackpot</td></tr><tr><td colspan="2">120.000,-</td></tr></table> <table><tr><td colspan="2">13-14-20-21-28</td></tr><tr><td colspan="2">Proximo Jackpot</td></tr><tr><td colspan="2">102.000,-</td></tr></table> <table><tr><td colspan="2">Mega Ball</td></tr><tr><td colspan="2">Proximo Jackpot</td></tr><tr><td colspan="2">1.850.000,-</td></tr></table> <table><tr><td colspan="2">Afl. 2.850.000,-</td></tr></table> 	Joker	Letter	Proximo Jackpot		120.000,-		13-14-20-21-28		Proximo Jackpot		102.000,-		Mega Ball		Proximo Jackpot		1.850.000,-		Afl. 2.850.000,-	
Joker	Letter																						
Proximo Jackpot																							
120.000,-																							
13-14-20-21-28																							
Proximo Jackpot																							
102.000,-																							
Mega Ball																							
Proximo Jackpot																							
1.850.000,-																							
Afl. 2.850.000,-																							





Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

**Fundacion Contra
Violencia Relacional**
Tel: 583-5400

Fundacion Autismo Aruba

Irenestraat 21 Aruba
297-588-1179

Fundacion Pa Nos Muchanan

Cumana 2 Aruba
297-583-4247

Fundacion Tel Pa Hubentud

Wilhelminastraat 19
Aruba
297-588-6138

Koningin Wilhelmina Fonds

Spinozastraat 9 Aruba
297-582-0412

Mary Joan Foundation
Sabana Blanco 8 Aruba
297-588-9999

Rode Kruis Aruba

Pedro Gallegostraat 14
Tel: 297-582-2219
Fax 588-3376

Famia Planea (SBVO)

Avenida Milio J Croes 17
B Aruba
297-588-9591
www.famiaplanea.org
famiaplanea@hotmail.com

Stichting Fundacion Guia Mi

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081



Dokter na warda

Oranjestad San Nicolas
Hospital Imsan
7:00 pm / 10:00 pm 24 ora

Botica na warda

Oranjestad: San Nicolas:
Eagle: San Nicolas:
Tel. 587 9011 Tel. 584 5712
EMERGENCIA 911

POLIS

Oranjestad 100
San Nicolas 104
Santa Cruz 105
Noord 107
Tip Line 11141
Brandweer 115
Ambulance 911
Hospital 527-4000
Imsan 524-8833
Warda Costa 913
Seguridad Nacional 11911
Cruz Cora 582-2219

BOTICA

Aloe 584-4606
4 Centro Medico 584-5794
Central 585-1965
Dakota 588-7364
Del Pueblo 582-1253
Eagle 587-9011
Kibrahacha 583-4908
Maria 585-8145
Di Servicio Noord 586-4606
Oduber 582-1780
Paradera 588-6638
San Lucas 584-5119
San Nicolas 584-5712
Santa Anna 586-8181
Santa Cruz 585-8028
Sero Preto 584-4833
Trupial 583-8560

UTILIDAD

Setar 117
Web 525-4600
Elmar 523-7147

FUNERARIA

Aurora 588-6699
Royal Funeral H. 586-4444
Ad Patres 584-2299
Olive Tree 584-8888

Servicio di Taxi

**Aruba Transfer Tour &
Taxi C.A.**
Tel: 582 2116/582 2010

Taxi Adres Services (24h)
Tel. 587 5900

A1 Taxi Services Aruba
Tel: 587-8850
Tel: 280-2828
Whatsapp: 592-7024

Alcohol ilegal ta mata 124 persona na Turkia e aña aki

(AFP) - Por lo menos 124 persona a fayece na Ankara y Istanbul den e ultimo 6 siman despues di bebe alcohol ilegal, y decenas mas ta den cuido intensivo segun e agencia estatal di noticia Anadolu a informa dialuna.

Alrededor di 54 persona a fayece na e capital di ankara, unda otro 40 ta luchando pa nan bida den hospital.

Anteriormente e luna aki, Anadolu a bisa cu 70 otro a fayece na Istanbul.

E tipo di envenenamento aki ta relativamente comun na Turkia, unda produccion clandestino ta amplio y alcohol ilegal hopi biaha ta contaminado cu metanol, un substancia toxico cu por causa ceguera, daño na higra y morto.

E hefe di Ministerio Publico (OM) na Ankara a deteni 28 sospechoso en conexion cu e produccion y benta di alcohol ilegal, tur menos cu excepcion di 3 despues a ser otorga libertad condicional segun Anadolu.

Dia 7 di februari, Ankara su gobernador a duna un cifra di 33 morto y 20 otro den cuido intensivo, cu vocero di su oficina bisando cu e cifra ta di "comienzo di e aña aki."

Luna pasa, 38 persona a fayece den 4 dia na Istanbul despues di a bebe alcohol ilegal den un aumento di caso cu pa dia 17 di januari, a laga otro 26 persona den cuido intensivo.

No tin un actualisacion oficial pa otro 3 siman te cu februari 7, ora cu Anadolu a bisa cu e cantidad di morto a aumenta te 70, cu otro 21 ricibiendo tratamiento den hospital di cual 8 tabata den cuido intensivo.

Desde e tempo aki no a duna mas actualisacion tocante nan estado.

Aunke Turkia ta un pais nominalmente secular, e impuesto di alcohol a subi drasticamente bao President Tayyip Erdogan, un Musulman cu ta den contra di bebe alcohol.

Un boter chikito di raki, Turkia su bebida di alcohol nacional, cumpra na un



supermercado ta costa alrededor di 1,300 lira (37.20 dollar) den un pais unda e salario minimo apenas recientemente a yega 600 dollar

pa luna. Criticonan ta bisa cu e tipo di prijsnan halto aki ta aumentando e produccion di moonshine.

Pronostico di tempo

Actualmente tin un alerta pa biento duro ademas di un aviso pa boto chikito den lama habri y specialmente den e areanan cerca di e costa for di oost te noord-west cu lo keda na vigor te proximo aviso.



Tempo:

Awe tardi y awe nochi: parcialmente nubia y seco
Den marduga y mañan: parcialmente nubia y generalmente seco

Temperatura maximo 32 grado Celsius
Temperatura minimo 26 grado Celsius
Indice di calor (heat index) den y rond di oranan di merdia: 33 pa 38 grado Celsius
Uv index: 8

Bahada di solo : 6:46 pm
Subida di solo : 7:01 am.

Biento:

modera te basta fuerte for di direccion oost; forsa 4 te 5 (20 te 39km/ora, 11 te 21 nudo).
durante di dia fuerte te duro, tin bes hopi duro den rafaga; forsa 6 te 8 (40 te 64km/ora, 22 te 35 nudo)

Situacion general di tempo:

Extension di un area di presion halto riba Atlantico ta sigui domina e weer den region, sosteniendo un biento modera te fuerte, duro te de bes en cuando hopi duro den rafaga. Di otro un banda por bisa cu atmosfera ta seco y stabiel y ta manteniendo weer generalmente seco.

Condicionnan maritimo/estado di lama:

Na partinan protege di costa: keto, rond di 1 pia.
Na partinan zuid: trankil te modera, entre 2 pa 4 pia.
Na partinan oost te noord-west di costa: modera te localmente poco bruto cu olanan di 5 pa 7, localmente e por yega 8 te 9 pia.

Aurora

Royal Pray

Funeral Home & Crematory

*Señor ta mi wardador, mi n' tin falta di nada
Den cunucu di yerba berde, E ta pone mi sosega
E ta hiba mi na awa trankil, pa mi bolbe haña forsa
(for di Salmo 23)*

Cu inmenso amor y gratitud den nos curason pa tur locual el a significa pa nos, famia Croes ta anuncia fayecimento cristian di:



Elisabeth C. Croes-Croes

Mihor conoci como: El, Elsie, Juffrouw Elsie, Juffrouw Croes
★ 25-02-1951 - † 12-02-2025

Na number di su **esposu**:
Rolando "Ronny" Croes

Yiunan:
Ronella Croes
Ernon Croes
Silvia Croes y Michel Maduro

Mayornan:
†Frans Muller Croes & †Anna Maria Croes-de Mey

Suegironan: †Gerrit "Gerry" Croes & †Cornelia Croes-Maduro

Rumannan:
Lucia y Boi Croeze-Croes
Ovi y José Croes-van Hoek
†Rita y Edwin Arendsz-Croes
Olivia y Nico Duarte-Croes
Robby y Melva Croes-Yanez
Evelyn y Franklin Ruiz-Croes
Benita Britt-Croes
Des Croes
Rina Croes
Edgar y Wina Croes-Werleman

Swa y cuñanan:
Lucia Croes
Chica Croes
Elizabeth y †Oscar Bikker-Croes
†Betty y †Roberto Tromp-Croes
Gabriel y Greta Tromp
Yolanda Croes
Leoncita Croes
Edith y Ronny van der Linde-Croes
Roberto y †Rina Croes-Tromp

Sobрино y sobrinanan y nan famia:
Haime, Wendy, Enid, Alan, Edith, Irwin, Egbert, Indra, Sergio,
Iraida, Jorge, Cedric, Renzo, Liza, David, Daniella, Nicole,
Cindy, Lucio, Elsa, John Patrick, Sherry, Roderick, Shareen,
Shariff, Itishmira, Roschendra, Roschenell, Rhadyn, Rhansley,
Ericson, Silvyane, Ghrisanty

Ihanan:Iraida Duarte, Maria-Elena Krozendijk, Sandrich Bislik

Alicia, Auchie, Giechie, Valerie, Maria, Reina, Linda, Ica, Violeta,
Mireya, Doy, Salome, Norma, Norman, Beatriz y demas amigo
y amiganan

Un danki special pa e atencion y cuido ricibi di dokternan y
ekipo completo di Intensive Care Unit na HOH

Demas famia:
Croes, de Mey, Maduro, Croeze, Arendsz, Duarte, Ruiz, Britt,
Bikker, Tromp, van der Linde, Lee

Ta invita primo y primanan, bisñanan, conocinan, ex-colega y
alumnonan di Colegio Ora Ubao y La Salle College, gruponan
di oracion

Nos ta gradici y aprecia e sosten y apoyo ricibi, pero nos ta
lamentar cu nos no por ricibi bishita di condolencia na cas
Na lugar di krans of flor lo tin box disponibel pa donacion pa
Hospice Atardi y Fundacion Dr. Jose Gregorio Hernandez
Nos ta pidi disculpa si den nos tristesa nos por a lubida un famia
of amistad

Oportunidad pa condolencia:
Diamars 18 di Februari 2025 di 7:00 pm pa 9:00 pm na Aurora
Funeral Home

Acto di entierro:
Diaranson 19 di februari 2025 for di 2:00 pm pa 4:00 pm
na Misa Inmaculada Concepcion na Santa Cruz. Sigui pa un
respon y despues lo sali pa Santana Catolico na Santa Cruz

Aurora

Royal Pray

Funeral Home & Crematory

*"Laga tur locual cu ta spera mi ta bunita
Laga tur locual cu mi encontra na caminda ta bunita
Laga tur locual mi laga atras keda bunita
Y laga esaki nan termina den tur bunitesa"*

Cu inmenso tristesa na nos curason, pero conforme
cu boluntad di Dios, nos ta participa fayecimento
cristianamente di:



Sra. Vda. Florentina Gomez-Giel

Mihor conoci como Flora, Poja of Pooj
★27-09-1940 - †12-02-2025

Na number di su :
Casa: † Florentino (Mai) Gomez

Yiunan:
†Gladys Paesch y famia
Iris y Mervin Semeleer-Paesch y famia
Humphrey Gomez y Bernarda Doria Prince y famia
Michael Gomez y Liliana Herrera y famia
Gwendoline y Hubert Semeleer-Gomez y famia
Jeritza y Erick Kelly-Gomez y famia

Nieto(a) nan y nan famia:
Giancarlo Vrolijk, †Jean Pierre Vrolijk, Rachelle Vrolijk,
Ryan Semeleer, Raïtza Mata-Semeleer, Rygell Semeleer,
Jenard Gomez, Joenard Gomez, Orleana Gomez,
Christopher Gomez, Christienne Gomez Giordan
Croes, Jerilaine Gomez, Jaycey Kelly, Jerick Kelly

Bisanieto(a) nan:
Jolainy, Jaydrick, Pierre Angelo, Roshella, Sharella,
Aleeza, Rylan, Aleeya, Cian, Dylan, Jelani, Jamylah,
Jah-haile, Maverick, Aïden

Ruman nan:
†Bonifacia y †Basilio Arends-Giel y famia
†Lorencia y †Antolino Ridderstaat-Giel y famia

Su mihor amiga nan: Chita Thodé, Juliana Gil, Chita
Farro, Titi Tromp, Mena Tromp y demas amiganan.

Ex- suegro(a) nan: Marisol Tromp, Aurora Arana
Bezada, Anthony Croes
Sua y cunja nan: †Vda. Juanita Dubero, † Viviana
Gomez y famia, Pascual Gomez y famia, †Ingrid Gomez
y famia, Onny Gomez y famia
Iha: Edwin Ridderstaat

Con suegro y suegra: Mario y Anna Kelly-Kelly y
famia

Sobrina (o)nan y nan famia: †Leo Ramada, †Felix
Ramada, Nelson Ramada, John Ramada, Emely Arends,
Myrtha Arends, Mildred Arends, David Ridderstaat,
Edwin Ridderstaat, †Rudolf Ridderstaat primo (a)nan, y
su bisinja nan di Bubali y Kudawechea, ex-miembro nan
di Dr. Jose Gregorio Hernandez na Monserat, Grupo
Uni, Café Feliz Savannah.
Un danki special na su dokter di cas Dr. Fernandes y
Staff y Personal di Happy Days Care Foundation.

Demas famia:
Gomez, Giel, Paesch, Vrolijk, Semeleer, Rosenstand,
Mata, de Windt, Doria Prince, Paalman, Maduro,
Werleman, Rodriguez, Arana Bezada, Navas, Herrera,
Croes, Chaguancalle, Kelly, Koolman, Webb, Stamper,
Tromp, Arends, Ridderstaat, Ramada, Escobar, Abreu,
Palm, Helder, Yarzagaray, Felida, Wolff, Figaroa, Donata,
Blanco, Dijkhoff, Franken, Thodé, Farro y Gil.

Su cachu nan stima: Chito y Chichito

Ta invita tur amigo(a)nan, bisinja nan y conocir nan pa
asisti na acto di entierro cual lo tuma lugar diaranzon 19
februari 2025 for di 9or pa 11or di mainta na Misa Santa
Anna na Noord, despues pa Santana Catolico na Noord.
Nos disculpa si den nos tristeza nos por a lubida cualkier
famia of conocir. Nos ta lamenta cu despues di entierro
nos no por ricibi bishita di condolencia na cas.

Aurora

Royal Pray

Funeral Home & Crematory

*"Bou di alanan di Dios mi ta sigur"
Abo ku ta biba bou di amparo di Altisimo, ta
hospedá den sombra di Dios Omnipotente, bisa
Señor: "Mi refugio, mi forti, mi Dios, den kende mi
ta pone mi konfiansa"
Salmo 91:1-2*

Cu dolor na nos curason, nos ta participa
fayecimento di nos ser stima:



Humphrey S. Hewitt

Cariñosamente yama "Piet of Badu"
★28-10-1949 - †31-01-2025

Na number di su:
Casa: Violeta Hewitt-Albertsz

Yiunan:
Indira Hewitt
Arshwin Hewitt
Yuliza Hewitt
Nieto(a)nan:
Noah Hewitt
Ayedan Hewitt
Wayne Kock
Jayne Kock
Aiden Kock

Rumannan:
† Edith Geerman-Felix y famia
Aizy Lampe-Felix y famia
†Tirso Felix y famia
†Stanley Felix y famia
Ronny Hewitt y famia
Frank Hewitt y Maria y famia
†Marlene Kelly-Hewitt y famia
Gwendoline Osepa-Hewitt y famia

Sobрино y sorbinanan, primo y primanan, ihanan,
amigo y amiganan y tur e musicantenan.
Famia na Aruba, Curaçao, Bonaire y Hulanda.

Demas Famia: Hewitt, Albertsz, Geerman,
Lampe, Kelly, Muller, Dorcas, Felix, Willems.

Ta invita pa **acto di despedida** cual lo tuma lugar
na Aurora Funeral Home diamars **18 di februari**
2025 di 9or pa 11or di mainta. Cremacion lo
tuma lugar despues den seno familiar.

Nos disculpa pero despues di despedida nos no por
ricibi bishita di condolencia na cas.



Aurora

Royal Pray

Funeral Home & Crematory

"Señor ta mi wardador,
mi'n tin falta di nada.
Den cunucu di yerba berde e
ta ponemi sosega.
E ta hibami na awa trankil,
pa mi bolbe haña forsa".
Salmo: 23



Cu dolor na nos
curason, nos ta participa
fayecimento di nos ser
stima:

Sr. Elio Rafael Rodriguez
Cariñosamente yama "Tata of Japi"
*22-11-1933 - †16-02-2025

Acto di despedida lo wordo anuncia despues

Aurora

Royal Pray

Funeral Home & Crematory

"Señor ta mi wardador,
mi'n tin falta di nada
Den cunucu di yerba
berde e ta ponemi sosega.
E ta hibami na awa
trankil,
Pa mi bolbe haña forsa".
Salmo: 23



Nos ta anuncia fayecimento di:

Elisabeth Brete
*11-08-1939 - †14-02-2025

Acto di entierro lo wordo anuncia despues.

Aurora

Royal Pray

Funeral Home & Crematory

"Señor ta mi wardador,
mi'n tin falta di nada
Den cunucu di yerba berde
e ta ponemi sosega.
E ta hibami na awa
trankil,
Pa mi bolbe haña forsa".
Salmo: 23



Nos ta anuncia
fayecimento di:

Juan A. Arcaya
"Juancho"
*20-10-1941 - †13-02-2025

Acto di entierro lo wordo anuncia despues.

Delegacion di Taliban ta bishita Hapon den biahe incomun pafo di e region

(AFP)—Un delegacion gubernamental di e Taliban a biaha pa Hapon pa prome biaha ayera, den un bishita diplomatico incomun pafo di e region.

E delegacion Afgano a sali for di Kabul diasabra, den un bishita cu media local a bisa lo dura un siman y a inclui oficialnan for di e ministerionan di Educacion Universitario, Asunto den Exterior y Economia.

"Nos ta busca interaccion digno cu e comunidad global pa un desaroyo fuerte, uni, avansa y pros-

peroso y pa ta un miembro activo di e comunidad internacional," Latif Nazari, minister suplente den e ministerio di Economia ken ta parti di e delegacion, a publica riba X diasabra.

E gobierno Taliban ta haci bishitanan regular na paisnan den bisindario y regional, incluyendo den Centro Asia, Rusia y China. Sinembargo, el a bishita Europa oficialmente solamente pa cumbranan diplomatico den Noruega na 2022 y 2023.

E embahada Hapones na Kabul a relocalisa temporalmente pa Qa-

tar despues di e caida di gobierno anterior y e tomo di e Taliban na 2021. Pero desde e tempo ey el a habri atrobe y a resumi actividadnan diplomatico y humanitario den e pais.

E delegacion Afgano ta planea pa "intercambia perspectivanan cu e oficialnan di e gobierno Hapones durante nan estancia," segun emisor publico Hapones, NHK, a reporta, citando fuente enan Afgano cu no a ser nombra. E ministerio Hapones di Asunto den Exterior no a comenta inmediatamente riba e bishita.

Noruega ta anuncia fondo pa NGOs humanitario memey di congelacion Mericano

(AFP)—Noruega a bisa ayera cu e lo firma acuerdonan di financiamiento multi-anual cu seis NGO humanitario, varios di cual a ser afecta pa e congelacion den practicamente tur financiamiento di Merca.

E financiamiento Noruega lo mehora e visibilidad financiero di e NGO pero no lo reemplaza e fondo Mericano, cual ta diseña pa traha paralel. E gobierno Noruega a anuncia cu e lo aloca un suma di 171 miyon dollar pa aña na seis NGO pa "ayudo di emergencia dirigi, rapido y flexible" durante e proximo cinco aña. "E necesidad pa ayudo di emergencia a yega na un nivel sin precedencia y financiamiento global pa esfuersonan humanitario ta mas incierto cu nunca," segun minister di Desaroyo Internacional Asmund Aukrust a bisa.

E seis NGO ta inclui varios cual recientemente a anuncia recortenan grandi den nan esfuersonan humanitario despues di e decision di presidente Mericano Donald Trump pa congela practicamente tur financiamiento Mericano pa ayudo den exterior. E Norwegian People's Aid (NPA), cual ta specialisa den operacion di desminamento, a bisa siman pasa cu



e lo ta forsa di kita mas di mita di su empleadonan y dispidi 1,700 empleado den 12 pais. E Consejo di Refugio Noruega (NRC), cual a ricibi aproximadamente 20% di su presupuesto for di Merca na 2024, tambe a bisa cu e lo suspende actividad den casi 20 pais fin di februari.

"E acuerdo aki ta nifica hopi pa NRC, como cu e ta provee e predicibilidad y flexibilidad cu mester," segun Camilla Waszonk, hefe di e departamento di Partnership y Politica di NRC, a conta AFP den un email.

Sinembargo, esaki ta parti di e fondo humanitario di Noruega cu ya a haya presupuesto y p'esey no lo atende nos programa financia pa Merca cu awor a para operacion debi na e congelacion di financiamiento di ayudo," el a agrega.

NPA a echo e sentimiento aki. "E acuerdo a ser planea pa traha paralel cu fondonan Mericano cu NPA a ricibi te cu awor, y no lo alivia cualkier efecto cu e congelacion Mericano tin riba nos proyectonan," vocero di NPA, Hakon Odegaard, a bisa.

Riba su prome dia back den oficina presidencial, Trump a suministra un orden ehecutivo pa congela financiamiento Mericano riba ayudo pa 90 dia, cu excepcion di e fondonan pa Israel y Egipto.

El a bisa cu e decision aki a ser determina si e ayudo tabata den cuadro cu su perspectiva riba abortus, planificacion di famia, diversidad y inclusion. Si man pas aun hues federal a relaha e congelacion temporalmente.

E Agencia Mericano pa Desaroyo Internacional (USAID) tin un presupuesto di 42.8 biyon dollar, representando 42% di ayudo humanitario suministra mundialmente. Segun ONU, 300 miyon hende tabata den necesidad di ayudo humanitario na 2024, compara cu 78 miyon na 2015.

Aurora

Royal Pray

Funeral Home & Crematory

Lagrima y flornan por seca,
su recuerdonan y tur loke el
a haci y significa pa nos, lo
keda graba pa semper den
nos mente y curason.
"Cerca Dios mi alma ta
na paz, ta di DJ'E mi
salbacion ta bin"
Salmo 62:1



Cu dolor na nos curason, nos ta participa
fayecimento di nos ser stima:

Justo Pastor Duran Suarez
*09-09-1960 - †15-02-2025

Acto di despedida lo wordo anuncia despues

Lidernan Europeo kier participacion den negociacion pa caba guerra na Ucraina

Merca ta lagando nan afo

(AP) — Lidernan Europeo a insisti ayera cu nan gobiernonan mester tin participacion den negociacionnan entre Merca y Rusia pa caba cu e guerra na Ucraina, mientras tanto Moscu y Washington a bisa cu no tin rol pa Europa den e negociacionnan cu por duna forma na futuro di e continente.

Lidernan di Alemania, Reino Uni, Italia, Polonia, España, Hulanda, Dinamarca, NATO y Union Europeo a reuni pa mas cu tres ora na Palacio Elysee na Paris pa negociacionnan di emergencia riba e dilema di seguridad Europeo despues di un blitz diplomatico di Merca riba Ucraina cu a tira un aliansa antes-solido den confusion.

Prome minister Britanico, Keir Starmer, a haci un yamado pa sosten di Merca despues di reafirma cu e ta cla pa considera manda forsan Britanico na territorio Ucrainiano hunto cu otro "si tin un acuerdo di paz duradero."
"...un garantia di seguridad Mericano ta e unico manera pa efectivamente disuadi Ru-



sia di ataca Ucraina atrobe," Starmer a bisa despues di e reunion. Hopi nacion di UE ainda no a dicidi si ta bay manda trupa, mientras algun ta opuesto na e idea.

Oficialnan top di Merca di administracion di Trump, durante nan prome bishita na Europa siman pasa, a laga e impresion cu Washington ta cla pa acepta e Kremlin mientras ta rechasa hopi di su aliadonan Europeo di hopi tempo.

Merca ta bay laga Europa

afo di negociacion

Gen. Keith Kellogg, enviado special di Trump pa Ucraina y Rusia, a bisa cu e no ta kere cu ta "razonable y factible pa tin tur hende seinta na mesa."

"Awo nos sa con esey por resulta y esey ta nos punto, ta mantene limpi y lihe manera nos por," el a bisa reporteronan na Bruselas, unda el a informa e 31 aliado Mericano den NATO, hunto cu oficialnan di UE, prome cu bay Kyiv pa negociacionnan diaranson cu presidente Ucrainiano, Volodymyr Zelenskyy.



Su comentarionan a haya echo di minister di Exterior Ruso, Sergei Lavrov, kende tabata igualmente dismisivo tocante un rol pa Europa. "Mi no sa kico nan tin pa haci na e mesa di negociacion," el a bisa mientras el a yega Saudi Arabia pa combersacion cu oficialnan Mericano.

Siman pasa, vice-presidente Mericano, JD Vance y Secretario di Defensa, Pete Hegseth den un cantidad di discurso a cuestiona tanto compromiso di seguridad di Europa como su principionan democratico.

Presidente Frances, Emman-

uel Macron, kende pa largo a boga pa un defensa Europeo mas fuerte, a bisa cu nan comentarionan fuerte y menasa di no-cooperacion den cara di un peligro militar a sinti como un shock pa e sistema.

E punto crucial a yega na momento cu Trump a dicidi di laga un banda años di politica Mericano door di wanta man di presidente Ruso, Vladimir Putin cu speransa di caba e guerra entre Rusia y Ucraina. Tiki prome cu e reunion na Paris ayera, Macron a papia cu Trump, pero oficina di Macron no a revela detaye di e combersacion di 20 minutos.


Polis ta aresta lider aparente di grupo 'Zizian' vincula na varios asesinato na Merca

(AP) — E lider aparente di un grupo estilo culto conocido como Zizian a keda aresta na Maryland hunto cu otro miembro di e grupo, segun polis estatal di Maryland a bisa ayera.

Jack Lasota, 34, a keda aresta diadomingo hunto cu Michelle Zajko, 33, di Media, Pennsylvania. Nan ta enfrente diferente cargo incluyendo entrada no-autorisa, obstruccion y obstaculizacion, y posesion di un arma den e vehiculo.

Un audiencia pa fianza pa e dos sospechoso ta programa pa 11am awe na Corte di Distrito Allegany.

E grupo Zizian ta vincula na asesinato di agente di Control di Frontera Mericano, David Maland cerca di frontera Canades na januari, y cinco otro homicidio na Vermont, Pennsylvania y California. Maland, 44 a ser mata den un



tiramento dia 20 di januari ultimo despues di un parada di trafico na Coventry, Vermont, un pueblo chikito como 32 km for di frontera Canades.

Oficialnan a duna tiki detaye di e investigacion na diferente pais, cual a cuminsa despues di e tiramento fatal di Maaland dia 20 di januari. Entrevista di AP y un revision di documento di corte y posts online ta conta e storia con un grupo di cientifico di computer jong, altamente inteligente, mayoria di nan

den nan 20 y 30 años di edad, a conoce otro online, a comparti creencianan anarkista y a bira cada bes mas violento.

Nan metanan no tabata cla, pero post online ta varia di temanan for di veganismo radical y identidad di genero te inteligencia artificial.

Den centro di tur esaki tin "Ziz", kende ta parce di ta e lider di e miembronan di e grupo straño kende a yama nan mes "Zizians". A mir'e den varios escena di crimen y tin conexion cu varios so-



spechoso.

LaSota a publica un blog scur y algun biaha violento bao di e nomber Ziz, y den un seccion, a describi su teoria cu e dos hemisferio di e cerebro por wanta balor y generonan diferente y "hopi biaha ta desea di mata otro."
LaSota, kende ta usa pronom-

bre "she/her", y den su escritonan a bisa cu e ta un muhe transgenero, a critica enemigonan percibi, incluyendo gruponan yama racionalista, cu ta opera principalmente online y ta busca di comprende cognicion humano mediante razonamento y conocimiento. Algun ta preocupa tocante e peligro potencial di inteligencia artificial.

LaSota, 34, no a responde na varios email di AP den simannan recién, y su abogado Daniel McGarrigle a nenga di duna comentario ora a puntr'e si e ta conecta na algun di e mortonan. Prome cu su aresto den weekend, e no a presenta pa audiencianan di corte na dos estado, y a emiti un orden pa su aresto.

Contestando dialuna, McGarrigle solamente a confirma cu e ta representa LaSota, pero no a confirma su aresto ni ningun detaye di e caso mas recién.

Avion di Delta ta aterisa boca abao na Toronto; 15 hende herida

(AFP)—Un jet di Delta Airlines cu 80 abordo a aterisa den emergencia ayera na e aeropuerto na Toronto, manera oficialnan a confirma, kedando boca abao y lagando al menos 15 hende herida pero ningun morto.

E vuelo 4819 di Endeavor Air cu 76 pasahero y cuatro miembro di tripulacion a aterisa rond di 3:30 di atardi den e metropolis mas grandi di Canada, despues di bula for di Minneapolis den e estado Mericano di Minnesota, e aerolinea a bisa.

Servicionan di paramedico a conta AFP cu 15 hende a keda herida, incluyendo tres den condicion critico—un mucha, un homber den su 60 aña y un muher den su 40 aña. Tur esnan herida, incluyendo esnan cu heridan menos grave, a ser traslada pa un hopsital sea via ambulance of helicopter, e servicio paramedico a bisa.

Imagennan dramatico riba emisionnan local y comparti riba red social a mostra hende tropicando mientras nan ta aleha for di e avion boca abao, protegiendo nan cara for di e rafaganan di biento. Tambe a



mostra bomberonan ta spuit awa riba e avion. “Toronto Pearson ta consciente di un incidente na ora di aterisa envolviendo un avion di Delta Airlines bulando for di Minneapolis. Equiponan di emergencia ta respondiendo na e situacion. A logra rescata tur pasahero y miembro di tripulacion,” autoridad di aeropuerto a publica riba X. e aeropuerto a suspende tur vuelo despues di e incidente.

Usuario di Facebook John Nelson, ken a bisa e tabata un pasahero riba e vuelo, a publica un video mustando e avion boca abao y a skirbi: “Nos avion a accidenta. E ta boca abao.”

“Ta parce cu mayoria hende

ta bon. Nos tur ta bahando,” el a agrega.

Delta a bisa cu su vuelo den conexcion opera pa Endeavor tabata “envolvi den un accidente,” y a priminti pa comparti mas detaye mientras el a confirma e incidente. “Prome reportahenan a bisa cu no tabatin ningun fatalidad,” e aerolinea a bisa via un declaracion di vocero.

Un tormenta di sneeuw masivo a dal Canada diadomingo. Bientonan fuerte y temperaturanan extremamente friu ainda ta activo den Toronto ayera ora aerolineanan a agrega vuelonan pa yena e buraco cu a keda for di e cancelacionnan durante weekend pa via di e tormenta.



“Sneeuw a stop di cay, pero temperaturanan ta keda friu y biontonan fuerte ta acercando,” e aerolinea a adverti anteriormente, agregando cu e ta anticipa “un dia druk den nos terminalnan cu mas di 130,000 biahero abordo di 1,000 vuelo.”

Minister di Transporte Federal, Anita Anand, a confirma cu tabatin 80 hende riba e vuelo. “Mi ta siguiendo e incidente aki na e Pearson Airport envolviendo vuelo 4819 di Delta Airlines for di Minneapolis,” el a publica riba X.

Premier di Ontario, Doug Ford, a bisa mientras tanto cu e tabata “alivia cu no ningun morto despues di e incidente na Toronto Pearson,”

agregando cu autoridadnan di aeropuerto y local tabata proveendo ayudo.

E directiva di Siguridad di Transportacion Canades a bisa cu e ta desplegando un equipo di investigador na e sitio di e accidente.

Esaki ta bin despues di otro incidentenan aereo den Norte America incluyendo un accidente den aire entre un helicopter di e ehercito Mericano y un jet di pasahero na Washington cu a resulta den 67 hende morto, y un accidente di un avion di transporte medico na Philadelphia cu a laga shete persona morto.

Potret di avion di AP.

Ehercito Israeli ta cuminsa cu retiro for di Libanon mientras deadline ta acerca

(AFP)—Un oficial Libanes a bisa cu trupan Israeli a cuminsa retira ayera for di algun pueblo riba frontera, despues cu e ehercito Israeli a bisa cu e lo keda den cinco “punto strategico” algun ora

prome cu un deadline di e alto-el-fuego pa retira.

Mas trempa, e presidente di Libanon a expresa preocupacion cu Israeli lo no cumpli cu e deadline di awe bao e acuerdo di alto-el-fuego en-

tre Israel y Hezbollah, y e urgi paisnan pa presion’e pa honra cu su compromiso di e acuerdo.

“Forsanan Israeli a cuminsa retira for di pueblonan riba frontera, incluyendo Mais al-Jabal y Blida, mientras e ehercito Libanes ta avansa,” e oficial di seguridad a conta AFP, pidiendo anonimidad pa discuti asuntonan sensitivo.

Vocero di e ehercito Israeli, Lt. Col. Nadav Shoshani a bisa mas trempa cu “basa riba e situacion actual, nos lo retira un cantidad chikito di trupa desplega temporalmente den cinco punto strategico riba e frontera den Libanon.”

El a bisa cu e decision aki a bin “pa asina nos sigui defende nos residente y sigura cu no tin menasa.” Israel mester a finalisa su retiro pa dia awe, 18 di februari, despues di no cumpli cu e deadline di januari. “Nos ta preocupa cu un retiro completo no lo ser



logra mañan,” presidente Joseph Aoun a bisa ayera.

E alto-el-fuego entre Israel y Hezbollah a tuma efecto dia 27 di november, despues di mas cu un aña di hostilidad cu a mira Israel lanza un ofensivo den Libanon. Bao di e acuerdo, e ehercito Libanes mester a ser desplega den e region pazuid hunto cu mantenedornan di paz di e Organizacion di Nacionnan Uni mientras e ehercito Israeli a retira durante un periodo inicial di 60 dia cu a ser extendi pa 18 di februari.

Hezbollah mester retira for di e region panort di e riu Litani

y desmantela su infraestructura militar den e parti pazuid. Aoun a bisa cu e ehercito tabata cla pa ser desplega “den ciudad- y pueblonan di cual e Israelinan lo retira” y pa “proteha e frontera.”



ANUNCIO

SETAR ta informa cu lo tin trabounan di mantencion diaranson 19 di februari 2025 di 8.00 am pa 12.00 pm.

Barionan lo ta afecta:

- Angochi
- Kadushi Largo
- Sero Compa
- Siribana

Nos disculpa pa cualkier inconveniencia.

